

四庫全書

經部

欽定四庫全書

經部
田間詩學卷九

詳校官監察御史_臣莫瞻菴

刑部郎中_臣許兆椿覆勘

總校官知縣_臣楊懋珩

校對官中書_臣王鍾泰

謄錄監生_臣張鱗

欽定四庫全書

田間詩學卷九

桐城錢澄之撰

大雅

小大雅合譜
載在小雅前

文王之什三之一

自此以下至卷阿十八篇為文

盛隆之時推序天命上述祖考之美皆國之大事

故為正大雅馬西文王至靈臺八篇為文王大雅

下武至有聲二篇為武王天雅按序文王以下

諸詩俱未言何人所作惟呂氏春秋引此以為周

公之

詩

文王 序曰文王受命作周也

嚴氏云序言受命作周者推本之辭也

造也造周之王業猶康誥肇造區夏也

凡經中稱

文王受命謂天命歸於文王而在文王時無受命之

說觀武王於泰誓三篇稱文王為文考至武

成而柴望然後稱文考為文王則可知矣

文王在上於昭于天周雖舊邦其命維新有周不顯帝

命不時文王陟降在帝左右

朱註賦也毛傳缺 嚴氏云文王未嘗稱王曰文王

者追稱之也 文王在上二句以文王之神言殆祭

祀受釐之後因而陳戒者 鄭云太王聿來胥宇而

國於周孔云言太王已來居此地是周雖舊邦也

毛云顯光明也不顯顯也時是也不時時也 一說

不宜讀作丕書言丕顯哉文王謨即此言不顯也又

言在讓後人于丕時即此言不時也不說文云大也
時者方應其期之謂陟登也降下也春秋傳天

王追命諸侯之詞曰叔父陟恪在我先王
之左右以佐事上帝語意與此正相似也

愚按有周不顯二句單承其命維新來言自今觀之
有周豈不顯乎帝命豈不時乎顯與時皆言新也

疊疊文王令聞不已陳錫哉周侯文王孫子文王孫子
本支百世凡周之士不顯亦世

毛云疊疊勉也鄭云勉勉乎不倦文王之勤明德
也令聞善譽也康誥所謂庸庸祇祇威威顯民我

西土惟時怙冒聞於上帝者嚴氏云陳錫敷施也
國語左傳引詩哉皆作載芮良夫曰夫王人者將
導利而布之上下者也大雅曰陳錫載周是不布利
而懼難乎故能載周以至於今陳桓子請老於莒凡

公子公孫之無祿者私分之邑國之貧約孤寡者私與之粟曰詩云陳錫載周能施也孫子對成王言故首稱孫係子於孫之後則謂成王及其後人耳毛云本宗子也支支子也嚴氏云其本宗百世為天子其支庶百世為諸侯盛德必百世祀也凡為總辭王朝諸侯公卿大夫總稱之皆可以謂士不顯亦世是倒句文法言周士之子孫世世亦顯也王制言大夫不世爵公羊傳曰世卿非禮左氏說卿大夫得世祿不得世位父為大夫死子得食其故采而有賢才則復升父故位故傳曰官有世功則有官族也嚴氏云文王惟知錫民而錫民者乃所以錫孫子也不特孫子之盛如此凡周之士亦世世相傳與周匹休焉

愚按當如熒之世而文王發政施仁於岐盡弛利以予民四國聞之贊誦曰敷施哉此周邦也造周維新

實由於此 今聞即指陳錫而言不已言至今謳思
尚未已也是惟為文王之孫子者有以繼其令聞耳
未章宣昭義問正與此句相應 此因殷士之助祭
於周而祝周士之世顯於周也為周之士者世在其
位則周之本支百
世不變可知矣

世之不顯厥猶翼翼思皇多士生此王國王國克生維
周之楨濟濟多士文王以寧

毛云翼翼恭敬也或云輔翼也書曰庶明勵翼左傳
曰翼翼王室皆其義 言周士所以世世能顯者由
其先世事我文王謀國之忠無一不以輔翼我文王
為事故有此多士也 思發語辭皇之為言煌煌然
也文王時尚為諸侯而國以王稱者追尊之辭也
嚴氏云生此王國天生之也王國克生文王教化作

欽定四庫全書

卷九

三

成之也

立政

篇言

文王

罔攸

兼於

庶言

庶獄

庶慎

則文王

以寧

可知

禎爾

雅云

榦也

書傳

謂題

曰禎

旁曰榦

費誓

峙乃

禎榦

則知

非一

物矣

牆恃

榦立

國恃

入立

也輔

氏云

自文

王之

時言

之文

王之

身

以多

士寧

矣自

成王

之時

言

也

之文

王之

神亦

以多

士寧

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

以多

士寧

矣自

成王

之時

言

也

也

也

也

也

也

也

也

也

也

也

也

也

也

也

也

愚按

思皇

四句

指即

今現

在之

士所

謂世

顯也

惟有

此多

士而

文王

勅造

之王

業益

以安

文王

在天

之靈

也

也

益以

慰也

穆穆文王於緝熙敬止假哉天命有商孫子商之孫子

其麗不億上帝既命侯于周服

朱云穆穆深遠之意緝續也熙明也亦不已之意
鄭云天命之使臣有商之孫子嚴氏云文王之時

未嘗有之推原周之代殷由於文王故以為文王能有之也毛云麗數也按物相兩曰麗蓋偶數也

服周禮註云屬也車衡下夾轅兩馬曰服人之受制於人亦如馬之受制於衡故謂之服

愚按穆穆以文王之成德言緝熙敬止以文王之心言敬止謂主於敬也假說文云至也謂天命之

自至非有圖之者也

侯服于周天命靡常殷士膚敏裸將于京厥作裸將常服黼冏王之蓋臣無念爾祖

陸氏云侯服于周句叠上起下蓋周以命之集致商之服商豈非以命之去致服于周故揭出命之靡常慨古識今按自湯以下皆稱商自盤庚遷于殷改號殷上章主孫子之世系言則邈其開國之始故曰

商此主國亡而臣周言則但以亡時所稱之國號稱之故曰殷朱註諸侯之大夫入天子之國曰某士殷士者商孫子之臣屬也毛云膚美也敏疾也裸灌皂也孔云宗廟之祭以裸為重舉裸將以表祭事見殷士助祭耳不必專助行裸也嚴氏云洛誥王入太室裸謂以圭瓚酌鬱鬯以獻尸尸得之不飲灌於地所以求神也宗廟有裸天地大神不裸孔子論詩至於殷士膚敏裸將于京喟然歎曰大哉天命善不可不傳於子孫是以富貴無常不如是則王公其何以戒慎民萌何以勸勉益傷微子之事周而痛殷之亡也作行也厥作裸將指王也常服猶云舊服黼白黑雜繡裳也尋殷冠也夏曰收周曰冕言殷士服殷之冠以助祭於周也熊禾云此見周家忠厚之至一代之興改正朔易服色以示維新之政然考之詩書則一代之禮樂固未嘗廢也常服黼黻猶用商之衣冠也王訪於箕子稱十有三祀奔走臣

我監稱五祀猶用商之紀年也一則曰商王士再則曰殷多士何嘗敢有鄙夷之心其視後世亡人之國則絕人之祀毀其先代之衣冠禮樂相去遠矣上言商之孫子與文王孫子相照此言殷之士與凡周之士相照周公祭文王廟遂陳及此非文王時事也朱註無念猶言豈得無念也呼王之蓋臣而告之蓋以戒王而不敢斥言猶所謂敢告僕夫云爾

愚按殷人尚音其祭求神於陽故先之以樂周人尚臭其祭求神於陰故先之以裸今殷士初覲周禮以先朝服色而贊禮於新朝固不勝今昔之感矣蓋爾雅云進也周鄭之間蓋曰子皆餘也子與蓋同義謂之蓋者士之特出而僅有者也

無念爾祖聿修厥德永言配命自求多福殷之未喪師

克配上帝宜鑒于殷駿命不易

毛云聿述也朱註發語辭承長也聿修厥德三句俱主文王言文王德與天配故多福歸之是其致福之由自實有以求之非倖致也文王無求福之心然修德而福來應謂之自求可矣命之去留視師之喪與否耳周書多士篇云自成湯至於帝乙罔不明德恤祀亦惟天丕建保乂有殷殷王亦罔敢失帝罔不配天其澤此所謂殷之未喪師克配上帝也

愚按鑒於殷蓋近事不遠即周所代也漢人好引秦事唐人好引隋事皆取其世近人主易知耳

命之不易無過爾躬宣昭義問有虞殷自天上天之載無聲無臭儀刑文王萬邦作孚

毛云遏止也義善也使天命至爾躬而止

歐陽子云知天命之不易無真氏云周至成王再世耳周

公已憂其命之不延讀無遏爾躬一語使人凜然震懼亦猶堯之告舜曰天祿永終也古君臣更相告戒不諱危亡如此朱註聞問通有又通虞度也又度殷之所以廢興者而折之於天毛云載事也鄭云天之事難知也惟儀法文王之事則天下咸信而順之

愚按義問即文王之令聞也益宣布而昭明之所謂光大其前緒也儀型文王即宣昭之實事虞與慮同易稱憂虞亦言慮也觀殷之興也自天其廢也亦自天只此一天耳鑒于殷所以有虞也天之棄殷由於喪師文王之得天由於乎萬邦是故天事難知無聲無臭萬邦之心即天心也後人能法文王即所以承天也法文王惟是得衆心耳萬邦作孚人歸之外豈別有天與哉

文王七章章八句

左傳穆叔如晉晉侯享之工歌文王之三不拜使行人子員問

之對曰文王兩君相見之樂也臣不敢及朱子謂此詩於天人之際興亡之理丁寧反復至深切矣故立之樂官而因以為天子諸侯朝會之樂蓋將以戒後世之君臣而又以昭先王之德於天下也以為兩君相見之樂特舉其一端言耳

大明 序曰文王有明德故天復命武王也

郝氏云序於文

王言明德不言天命於武王言天命不言明德互見也原周之成變伐者以其有聖子原周之生聖子以其有聖后而聖后之生子又以王季文王修德格天之故周之興豈偶然哉

明明在下赫赫在上天難忱斯不易維王天位殷適使

不挾四方

朱註賦也毛傳缺嚴氏云首章先泛言天人之理
然後及殷亡之由為美文武張本明明在下謂君之
善惡不可掩也赫赫在上謂天之予奪為甚嚴也
自其監察於下而莫能逃者言之謂之明明在下自
其威嚴在上而甚可畏者言之謂之赫赫在上總見
天之難忱也毛云忱信也天難忱斯以命之去留
言言不可信其終眷我而不棄我也天位之天亦
指上天言位位之也言位之以天子之位書序謂
微子為紂同母庶兄紂之母本帝乙之妾生啓及衍
復立為后生受以受於母為后時乃生故為正適
胡氏云堯舜與賢三王與適然聖人有權焉未嘗執
一也是以太甲雖適又有成湯之命而幾不免於廢
武王雖弟上承文考之命而終不失為君帝乙泥於
立適而不知紂之足以亡天下亦不知變之過矣

愚按夏商傳嫡不傳賢亦天之命也以太伯及伯邑
考論之文王與武王皆不得稱嫡長而所代者即天
位之殷嫡天之不足據如此斯其所以難忱與此
與生此文王篤生武王相應蓋天既生彼以興周乃
先位此
以亡殷

摯仲氏任自彼殷商來嫁于周曰嬪于京乃及王季維
德之行太任有身生此文王

此章言周受天之命始於文王文王者父王季而母
太任言其聖德自父母而已然矣摯國名任姓按
唐世系表祖已七世孫曰成徙國於摯祖已者仲虺
後也孔云此言仲任下言太任者此本其未嫁故
詳言其國及姓字下就其嫁後生子稱之耳鄒氏
云漢儒謂禮惟嫁長女餘皆為媵自殷以前皆然然

則勢任非耶 成湯之初以商為號及盤庚後為殷
今稱殷商者以其都殷合而稱之亦猶後之稱蜀漢
汴宋耳自彼殷商由今日追溯前日之詞言當彼殷
商有天下之時也 嬪爾雅云婦也自父家言之曰
來嫁自夫家言之曰嬪 互文也 嚴氏云大雅作於
成王之時皆用王者之禮從後稱周京耳 行猶列
也言其德與王季相頡頏也 孔云禮婦從夫之謚
故頡頏大姒為文母太任非謚也 以其尊加於婦尊
而稱之故謂之太姜太任太姒 惟武王之妃左傳謂
之邑姜不稱太姜避太姜故也 毛云身重也 孔
云以身中復
有身故言重

維此文王小心翼翼昭事上帝聿懷多福厥德不回以
受方國

此章指文王繼王季為諸侯後克盡臣職而言

愚按胎事上帝者即此翼翼之小心時時對越上帝如或臨之也多福者當紂之時爵土不失大難不死皆為福也競競保持無有他望所謂懷也厥德即小心翼翼之德不回謂天子人歸而其心始終如一文王無心於方國而方國自來附之論語謂三分天下有其二以服事殷是也

天監在下有命既集文王初載天作之合在洽之陽在渭之涘文王嘉止大邦有子

朱註將言武王伐商之事故此又推其本而言天監在下即首章所云明明在下者天命必有所厭後有所集以六百年之商將欲改其命而新之非監觀之久而眷顧之深固不輕集凡鳥止謂集必審擇

之定所謂翔而後集也 在洽之陽以太姒所居言
在渭之涘以文王所居言 洽說文作郤今郤陽縣也
即古莘國 周禮大宗伯以嘉禮親萬民昏禮其一
也文王嘉止謂初行納采之嘉禮大邦有子蓋使者
致命問名之詞儀禮所謂敢請女為誰氏者也 白
虎通云王者之娶必先選於大國之女禮儀備所見
多詩云大邦有子明
王者必娶大國也

大邦有子倪天之妹文定厥祥親迎于渭造舟為梁不
顯其光

毛云倪磬也說文云譬也一曰開見按倪字從人從
見蓋人之所見非親見也以其開之於人而得之故
曰開見 文禮文也定者成其事也祥吉祥也 昏
有六禮納采問名納吉納幣請期親迎是也 文定

者問名之後卜吉而納幣也于渭二字帶下讀言
文王行親迎之禮其往來所經必渡渭水則造舟為
梁以候之也造舟者比船於水加板其上即今之
浮橋爾雅云天子造舟蓋周以文王所用遂為天子
之制耳不顯其光
以禮文之盛言也

愚按大邦有子二句蓋使者既得請而還報命之辭
太姒非使者所得見但得之耳聞稱其德之美足以
為天之配云爾妹少女也天將開周
王業特生此女以為聖配故曰天之妹

有命自天命此文王于周于京纘女維莘長子維行篤
生武王保右命爾變伐大商

此章總前四章而言文王之作配武王之誕生皆承
天之命必欲以周代商也天命文王以有天下文王

不有使娶太姒而生聖子以有之皆天之命也于周
于京蒙第二章來嫁於周曰嬪于京之文言太姒之
歸于周也續繼也太姒華女也舊說言華女能繼太
任之賢故曰續女維華華春秋屬晉城濮之戰晉
侯登有莘之墟以望楚師即其地也周語有神降于
莘內史過以為任虢受之今郃陽縣東有夏陽城即
虢地長子長女也行嫁也孔云篤生者聖性感
氣之厚也言保者扶持之意右者贊助之意思若啓
行若翼也變說文云
和也左傳云師克在和
愚按鄭氏忠盾疑太姒為文王之繼妃故有續女維
莘之語嘗就其說考之無逸篇言文王受命惟中身
厥享國五十年史記載文王年九十七而云享國五
十年當以四十七即位此詩言文王初戴蓋即位之
初也故此詩文定親迎之禮皆行於文王不聞王季
之命則為即位以後之事可知太姒之非始配信矣

然考皇王大紀稱昌為世子娶于有莘曰太姒謂太
如歸周時王季故在愚因疑文王為世子時所娶之
莘女非太姒如之妙也故曰倪天之妹明有姊也曰
續女維莘明以莘女繼莘女也行嫁也衛詩所云女
子有行也其曰長子維行前女云亡太姒次應居長
此自有莘氏珍重其女而尊稱之以禮重嫡長故也
然則仲任與太姒皆不居長厥後周人
凡稱女每以季女為貴豈不以此哉

殷商之旅其會如林矢于牧野維予侯興上帝臨汝無
貳爾心

毛云旅衆也如林言衆而不為用也矢陳興起也
書牧誓篇云時甲子昧爽王朝至于商郊牧野乃誓
即此詩矢于牧野也維予侯興以下誓衆之辭也興
者敵其起而聽誓也女爾皆謂諸侯也史記載武

王誓師言曰今予發惟共行天罰勉哉
夫子不可再不可三所謂無貳爾心也

牧野洋洋檀車煌煌駟驥彭彭維師尚父時惟鷹揚涼

彼武王肆伐大商會朝清明

毛云洋洋廣也鄘道元云自朝歌以南南暨清水
土地平衍據皋跨澤悉坵野之地故詩稱坵野洋洋
坵牧通檀堅韜之木材可為車煌煌兵車鮮明也
四馬曰駟爾雅云駟馬白腹曰驥按駟赤色黑鬣
此則駟而白其腹也太公姜姓呂氏名尚文王以
為太師號曰尚父按古人尚質呼尚之名為尚父猶
周公呼奭為君奭也鷹在衆鳥之間若睡夢然故
積怒而後全剛生馬揚飛舉也陸氏云言其武之
奮揚如此樂記所謂發揚蹈厲太公之志也史記
陳師牧野武王使師尚父與百夫致師以大卒馳帝

紂師紂師皆倒兵以戰以開武王武王馳之紂兵皆
崩即此所言鷹揚事也涼漢書作亮毛云佐也

左國材云涼有冷落之義孟子謂蹢躅涼涼是也太
公意氣飛揚武王退然不足不以勝紂為喜各盡其
形容也會朝戰之朝即武

王十三年甲子昧爽也

懃按清明謂除紂穢濁而宇宙頓見清明紂濁亂天
下極矣伯夷太公避之以待其清故武王泰誓亦以
永清四海為已任會
朝清明言其神速也

大明八章四章章六句四章章八句

篇名大明者
鄭以為二聖

相承其明德日以廣大故曰大明太史公云夫天
下稱頌周公言其能歌文武之德達太王王季之
思慮也今玩詩辭固頌文武然寔因文武而揚厲
及二母蓋不啻詳哉其言之矣國語以此及下

篇為兩君
相見之樂

緜序曰文王之興本由太王也

朱註此周公戒成王之詩追述太王

始遷岐周以開王業而文王因之以受天命也孫
鑛云此詩稱古公且斥其名乃後又稱文王豈武王
初克商甫尊文王尚未追王太王時作耶又曰
武成已稱太王若謂周公戒成王豈應復稱古公

緜緜瓜瓞民之初生自土沮漆古公亶父陶復陶穴未

有家室

毛傳興也朱註比也毛云緜緜不絕貌瓞瓞也
大者名瓜小者名瓞凡瓜之近本初生者常小其蔓
不絕至末而後大也立乎文王之世以指大王正如
瓜之有瓞其後連綿不斷皆本于此土漢書作杜

杜水名地理志云古扶風杜陽縣有杜水南入渭季氏云雍州之域有二漆沮而皆入渭其一在馮翊渭水之下游也其一在扶風澧水之上游也禹貢導渭東過漆沮則馮翊之漆沮吉日與潛篇所稱是也扶風之漆沮此篇所稱是也自土漆沮言太王始避狄難來居杜與沮漆之地蓋去邠踰梁山後事三水皆在岐梁間漢扶風地也于時尚未至岐下故未定周原之居復與複同重也穴上室也愚按西北多窟居皆于峭壁鑿窟內開屋舍或有上下二層意上即陶復下即陶穴俗名為窟其寔非窟也舊以此句指幽地非也當其在幽公劉時先已有館至太王世居已久豈得復固陋如此蓋太王初至沮漆之間卜居未定姑為野處之計便于人力之速成耳

古公亶父來朝走馬率西水許至于岐下爰及姜女事

來胥宇

朱註賦也

鄭云來朝走馬言其辟惡早且疾也

毛云率循也

許水涯也似指渭水蓋杜水沮水合漆

水流入于渭

雍錄云邠在岐西北自邠而南有梁山

渭水在梁山之南循水面上可以達岐岐周在后

隈邠城西八十里間蓋復其舊封地也但言及姜女

者未敢期邠民之必從已也毛云胥相也邠人隨

古公而來相

與建屋宇也

慈按爰及姜女言古公盡室

以來故邠民相從以安居也

周原膺膺堇荼如飴爰始爰謀爰契我龜曰止曰時築

室于茲

朱註賦也

鄭云廣平曰原周之原也在岐山之南

皇甫謐云邑于周地始改國為周今岐山縣是其

地本草註云莖菜野生莖汁味甘而言苦者古人

語側猶甘草謂之大苦也嚴氏云內則言婦養舅

姑公食禮言君待其臣皆以莖則莖是美菜也七月

言食農夫以茶則茶非美菜也周之原地膾膾肥美

所生莖茶皆甘如飴言美惡皆宜也朱註莖烏頭

也茶苦菜蓼屬也言周原土地之美雖苦者亦甘

爰始對後爰契而言言太王始與豳人之從已者謀

居于此程大昌云古者卜人令龜已遂預取吉兆

墨畫其上然後灼之灼文適順其畫是為食墨者吉

其兆不應墨則云不食不食則龜不從也故雒誥曰

我卜河朔黎水我乃卜澗水東瀍水西惟雒食是龜

之所食者畫雒之兆而河朔黎水之兆不食也古公

既謀遷居以墨合龜而兆與墨同

故曰契契合也人謀與龜協合也

愚按后稷封邠公劉遷邠稱邠公至此遷周始稱周耳太王遷岐衛文遷楚丘皆卜然必先謀定而後卜洪範所云先乃心卿士大夫庶人而後卜筮也

迺慰迺止迺左迺右迺疆迺理迺宣迺畝自西徂東周

爰執事

朱註賦也 毛云慰安也止即上章曰止之止蓋慰安新從遷之衆俾之止居于是也 孔云慰止左右文在築室之下明其皆是作邑之事乃左右而處之公宮在中民居左右王肅云乃左右開地置邑以居其民也 疆理因定民居而及授田之事 朱註宣布散而居也 自西徂東鄭云邠與周原不能為西東據至時從水滸言也

愚按宣者隨田而居以便田事此二畝半在田之居也畝者隨居而田以服田業此一夫授田百畝之微也法

乃召司空乃召司徒俾立室家其繩則直縮版以載作

廟翼翼

朱註賦也王氏云乃者繼事之詞言畢民事而始及之也國以民為本民居既奠之後方事營建先王之重民如此鄭云司空掌營國邑司徒掌徒役之事俾立室家對上文未有室家而言鄭云繩者營其廣輪方制之正也既正則以索縮其築版上下相承而起毛云君子將營宮室宗廟為先廡庫為次居室為後朱註繩所以為直凡營度位置皆先以繩正之陸氏云如分別何處是廟何處是廡

庫何處是宮社皆引繩以取直也縮版以載專屬下文作廟言載鄭所謂上下相承也每版滿築訖則升下而上以相承載曹氏云此章俾立室家則定其規模面向若其營作則先于廟始故其序如此愚按縮版者束縛其版使土不旁溢即積餘之類非必以繩也載即載土于版也

抹之陜陜度之薨薨築之登登削屢馮馮百堵皆興磬

鼓弗勝

朱註賦也此述遂作宮室也抹說文云盛土于裡中也裡盛土之器朱註陜陜衆也度投土于版中也薨薨衆聲也嚴氏云既投之版中築之者登登然積累而上則牆漸高矣劉彝云削謂牆成脫版削其堅凸以就平直也馮說文云馬行疾也馮馮狀其運腕敏捷之貌朱云牆堅聲百堵皆興謂所

欽定四庫全書

世間詩學
卷九

十五

治非一室而羣力畢集一時牆垣并舉也周禮鼓人以鑿鼓鼓役事民皆樂事趨功鼓不及其敏速春秋傳魯人之皐皐者緩也役以勿亟為義故以皐鼓節之節之而弗止故曰弗勝

迺立皐門皐門有仇迺立應門應門將將迺立冢土戎

醜攸行

朱註賦也毛云王之郭門曰皐門仇高貌王之正門曰應門將將嚴止也鄭云諸侯之宮外門曰皐門朝門曰應門內有路門天子之宮加以庫雉明堂位云庫門天子皐門雉門天子應門按魯以諸侯而作庫雉則諸侯無皐應皐應為王門之名可知檀弓記魯莊公之喪既葬而經不入庫春秋定二年雉門及兩觀災此魯之庫雉也又家語衛莊公易朝市孔子曰繹之于庫門內失之矣是衛亦有庫門此

諸侯有庫雉之証 朱註太王之時未有制度特作
二門其名如此及周有天下遂尊以為天子之門而
諸侯不得立焉 毛云冢土大社也孔云冢土訓為
大社未即名為大社祭法王為羣姓立社曰大社冢
上正是諸侯之制 秦誓言類于上帝宜于冢土則
猶仍大王舊稱以未為天子故也 毛云戎大也醜
衆也起大事動大衆必先有事乎社而後出謂之宜
言告于社而後行也 朱子云太王立岐周之社武
王伐商通立周社于天下以為
太社猶漢初令民立漢社稷也
愚按立冢土以利攸行未嘗以避狄偷
安忘武備也故下文承以昆夷之喙

肆不殄厥愠亦不隕厥問柞械拔矣行道兑矣昆夷駟
矣維其喙矣

朱註賦也

愠怒也指昆夷言

毛云隕墜也鄭云

小聘曰問

此二句自大王遷岐之時中歷王季文

王受命之初皆是如此言昆夷愠怒于我不惟不遽

殄滅之而且不墜其往來聘問之禮孟子所謂以大

事小樂天者也嚴氏云太王居邠則北有獯鬻之

侵遷岐則西有昆夷之擾北狄大而西戎小故狄則

避而遷國昆夷雖不殄不隕內備外和彼自不能為

患矣孟子言文王之始猶事昆夷正所謂不隕厥問

者毛云柞櫟也械白桺也旱麓篇云瑟彼柞櫟民

所繫矣則皆木之大者朱註兑通也始通道于柞

械之間也書大傳文王四年伐大夷註大夷昆夷

也亦稱大戎又謂昆夷或作緄夷史記稱自隴以西

有緄戎說文云馬行疾貌毛云突也喙說文云

口也朱註息也謂張喙而息也狼弄豕突抱頭而竄

喘息不

暇之狀

愚按混夷屢為患者恃其深林險阻人不能入今木拔道通土地日闢生齒漸繁混夷畏之而奔突竄伏也以皇矣篇觀之柞械拔矣而下皆指太王時言

虞芮質厥成文王蹶厥生子曰有疏附子曰有先後予曰有奔奏子曰有禦侮

朱註賦也徐鍇云質之為言寔也訟者言其曲直必有人物以為徵驗故云質謂質其寔也毛云成平也蘇氏云獻成也虞城在今平陸縣東北五十里芮城今芮城縣西二十里是也間原在平陸縣西六十五里即二國爭田相讓為閒田之地俗呼讓畔城今俱屬平陽解州蹶生者言王氣勃興其勢莫禦有怒生之象李來曰孟子謂蹶者趨者蹶是失足而仆地也因其仆地而忽起人所驚見故稱興者

謂蹶然而興孟子言文王方百里起尚仍太王舊封也及虞芮質成之後而歸附者始衆史稱明年伐大戎明年伐密須明年敗耆國諸侯皆朝于周此所謂蹶厥生也毛云率下親上曰疏附相道前後曰先後喻德宣譽曰奔奏武臣折衝曰禦侮鄭云予我也詩人自我也予曰以下功歸四友為章末餘波若曰非特文王聖也亦其臣與有助焉濟濟多士文王以寧豈不信夫

愚按史記文王生有聖瑞太王曰吾世當有興者其在昌乎因傳位王季以及文王然則遷國于岐傳位于文王皆太王之功所以開周之王業也故以此章終綿為頌太王之詩天生文王即預生佐文王之四友以成開周之業天之意蓋早定矣太王蓋早得天心者也一說予曰四語乃文王當日之語孔叢子載孔子曰周文王胥附奏輶先後禦侮謂之四鄰以免乎羗里之害

縣九章章六句

申培說作八章削去末章謂周報
太王周公述其事以訓嗣王之詩

季氏謂末章與上文

不相屬疑是錯簡

愚按左傳昭公二年晉侯使韓宣子來聘公享之
季武子賦縣之卒章杜預註以晉侯比文王以韓
子比四輔則縣之

卒章其來舊矣

棫樸 序曰文王能官人也

郝氏云記曰人官有能
物曲有利養之能盡其

材故取之能備其官官之能當其人故
用之能得其力能官人而治道卑矣

芄芄棫樸薪之樵之濟濟辟王左右趣之

毛傳興也朱註同 毛云棫白桤也樸抱木
也樵積也 歐氏云辟王從後尊稱之辭

愚按辟生也濟濟指多士言文王為濟濟多士之主
或左或右用無不宜如百體之奉心志環向而趣附
也

濟濟辟王左右奉璋奉璋戕戕髦士攸宜

毛云半珪曰璋鄭云璋瓚也祭祀之禮王裸以圭
瓚諸臣助之亞裸以璋瓚周禮註云惟人道宗廟
有裸天地大神至尊不裸故孔氏以此言裸事祭宗
廟也我我衣冠壯偉之貌攸宜謂于禮度合宜
言辟王祭祀得人也

淠彼淠舟烝徒楫之周王于邁六師及之

毛云淠舟行貌集韻云動也詩曰萑葦淠淠其猗
淠淠皆言動也郝氏云周王以西伯奉命徂征六

師趨附將率一心如恐不及此行師得人也何氏
謂但征為文王伐崇之事自岐伐崇道必涉涇歐
陽子云文王養育賢才助祭皆髦俊之士征伐則六
師用命以見王所官之人入宗廟居軍旅皆可用言
文武之材各任其事也周禮五師為軍二千五百
人為師萬二千五百人為軍天子六軍然不必盡行
于每軍中各取其一師以備更番之用故謂之六
師西伯奉王命得專征伐故亦得抽調六師也
愚按周王于邁是王自前行而六師
追及不待督促言其用命恐後也

倬彼雲漢為章于天周王壽遐不作人

雲說文云山川氣也漢天河也在箕斗二星之間
按詩言維天有漢夏小正言漢案戶皆單舉漢字未
有連雲漢為言者知當指雲及漢也歐陽子云雲
漢在上為天之文章猶賢才在朝為國之光采輔

廣云作人非一日偶然之可為也必積累漸漬之久乃底于成鄭云文王是時九十餘矣故曰壽考

遐音胡胡音何音之轉也

追琢其章金玉其相勉勉我王綱紀四方

按夏后氏名母追禮記疏云母發語詞追猶堆也蓋于器物上為堆起之形照下文當屬金言琢說文

云治玉也毛云相質也郝氏云相者金玉交錯

金堅而濟以玉潤也鄧元錫云追琢其章敦化之

益也金玉其相髦俊之質也學為文益其質作之

力也何氏云文王勞于作人逸于任人勉勉我王

謂其作人之不倦也既得人以任四方之事而已不

必與特總其大綱而已是綱四方也四方之事有多

士以分理之無不條理畢舉是紀四方也申培說

周公咏歌文王之德以訓嗣王末章乃屬望嗣王之

語故稱
我王

棧樸五章章四句

愚按篇中惟奉璋二字是祭祀事不過贊從祭髦士之盛此下皆言文王之能用人能作士也鄭氏解篇首薪爇為燔燎之用亦言其所用之大而已後儒據此一語以為文王有郊祀之事通篇委曲生解支離甚矣

旱麓 序曰受祖也周之先祖世修后稷公劉之業

大王王季申以百福千祿焉

何氏謂武王追王太王王季文王祭而受釐之

樂歌自第四章而下為武王祀廟之事周尚赤故用騂牡當自武王為天子之後言耳

愚按前三言豈弟指太王王季文王後兩言豈弟皆指武王明周家有國世以豈弟相傳也

瞻彼旱麓榛桔濟濟豈弟君子干祿豈弟

朱註興也毛傳缺毛氏云旱山名也麓山足也漢書地理志云漢中郡南鄭縣旱山沱水所出東北入漢詩人託山川以起興皆舉其在境內者此舉旱麓王太王遷岐而言羅氏云榛似栗而小關中廊坊甚多故其字从秦一曰叢也叢蓋矢之善者左傳致師者左射以叢是也顏監云桔木堪為箭筈今邠以北皆用之呂氏云縣縣八章曰柞械拔矣行道兒矣皇矣三章曰帝省其山柞械斯拔松栢斯兒皆以山林之茂見王業之盛榛桔濟濟蓋當時所見之實也

愚按太王去邠邠民從之遷者如歸市因以邑岐開周之王業是即所謂干祿爰以豈弟致之本不期祿

而祿以是自至耳

瑟彼玉瓚黃流在中豈弟君子福祿攸降

瑟續密貌周禮註疏引瑟作卹毛云玉瓚圭瓚也孔云瓚者器名以圭為柄圭以玉為之指其體

謂之玉瓚據成器謂之圭瓚鄭云黃流瓚也瓚

瓚為酒以鬱金之草和之使之芬香條也故謂之瓚

毛云九命然後錫以瓚圭瓚殷王帝乙之時王季為西伯以功德受此賜竹書紀年註亦云殷

王太丁嘉季歷之功賜之圭瓚瓚九命為伯

愚按太丁之後為帝乙雖世次不同其事相合周之進爵為西伯自王季受圭瓚之賜始所謂福祿攸降也此豈弟君子謂王季也

鳶飛戾天魚躍于淵豈弟君子遐不作人

李氏云抱朴子曰鳶之在下無力及至乎上聳身直翅而已然後知鳶飛更不用力亦如魚躍怡然自得而不知其所以然比王者之作人鼓之舞之使各盡其材亦不知所以然而然也 臧樸之詩咏文王曰周王壽考遐不作人故知作人指文王豈弟君子謂文王也文王作人之道不過興起之使各自率其性如鳶之飛魚之躍不知誰為之也

清酒既載騂牡既備以享以祀以介景福

朱註賦也 鄭云既載謂已在尊中也祭祀之事先為清酒其次擇牲故舉二者 孔云言酒見年豐言牲見畜碩左傳奉牲以告曰博碩肥腍謂畜之碩大蕃滋也奉酒醴以告曰嘉栗旨酒謂其三時不害而

民和年
豐也

愚按上三章豈弟君子指所祭者而言下二章豈弟君子指主祭者惟此章不稱明一德相承祭必受福故下曰神所勞矣

瑟彼柞棫民所燎矣豈弟君子神所勞矣

朱云瑟茂密貌燎爨也或曰爨燎除其旁草養治之使無害也豈弟君子指武王也後章同神指三后也此下二章皆受釐之詞

愚按柞棫以供薪燎取不窮而用不竭猶王者養人之欲給人之求無有急缺此其所以為豈弟也此豈弟之德三后在天之靈所存存不忘者今王繼有其德則神必勞之勞其能代已養民也

莫莫葛藟施于條枚豈弟君子求福不回

莫莫以葛藟之陰森言鄭云葛也藟也延蔓于木之枝本而茂盛喻子孫依緣先人之功而起回說文云轉也舊說回者邪也胡長庚云回非即邪乃所由入于邪也人初念未嘗不正直一旦禍福在前計較之念一萌即為回轉因以入于邪耳

愚按條枚無意于葛藟而葛藟自施之猶君子無意于獲福而福自綏之以不求為求是之謂求福不回晏子春秋晏子對崔子曰劫吾以刃而失其志非勇也回吾以利而倍其君非義也詩云豈弟君子于祿不回今嬰且可以回而求福乎如晏子可謂不回矣上云于祿此言求福福祿皆自己求之

早麓六章章四句

禮大傳云牧之野既事而退遂率天下諸侯執豆蓬駮奔走追

王太王亶父王季歷父王昌不以卑臨尊也何氏謂是追王時享祀之作朱子亦云詩中有享祀神勞等語或亦受釐之樂而註但以為咏歌文王之德則泛甚矣

思齊

序曰文王所以聖也

鄭云言非但天性德有所由成也

思齊大任文王之母思媚周姜京室之婦大姒嗣徽音則百斯男

朱註賦也毛傳缺

毛云周姜大姜也京室王室也

孔云王季未為天子而言京者以其追號為王故

以京室言之

媚說文云悅也謂大任能承大姜之

歡也皇王大紀云大任有賢德目不視竊色耳不

聽淫聲口不出惡言容貌恭肅齊如也以來嫁之年

生子古公視之曰我世當有興者其在斯乎名之曰

昌即文王也

愚按太任之嫁于周值太王大姜舅姑俱在故稱曰婦若太姒來周在文王即位之初戴疑太任已歿故無可媚但有徽音可嗣此章總稱大任之德以見文王之聖有自來思齊存心于莊敬也文王之肅雖臨保皆稟德于此大姜素以莊敬為心太任以是承姑之歡而稱周室之孝婦大姒惟能繼其姑之美譽是以不妬忌而子孫衆多則字承嗣字來通章皆贊太任也贊文王之母所以贊文王也意在母聖不在妻賢故首揭一句曰文王之母

惠于宗公神罔時怨神罔時恫刑于寡妻至于兄弟以

御于家邦

孔云宗公是宗廟先公鄭云
惠順也寡妻寡有之妻言賢也

愚按惟君后得稱寡妻亦猶君之稱孤稱寡人謂無
與並也宗公為宗廟先公當即指古公也古公舍伯
立季意在傳位文王文王即位古公已不及見矣而
卒以聖德作周以不負公之望非順于先公乎神罔
怨恫又何疑焉寡妻即太姒也世有德足以服天下
而不足以對妻子者以太姒之賢朝夕宮闈而猶漸
文王德美以為儀刑則文王內行無間可知兄弟家
邦以次感化固有由矣下章離離在宮刑寡妻之
事肅肅在廟
惠宗公之事

離離在宮肅肅在廟不顯亦臨無射亦保

毛云離離和也肅肅敬也季氏云在宮和之處也
在廟敬之處也在宮而和常恐其褻故在宮離離之

時必有在廟肅肅之敬然後為不欺鬼神射舊作
數何氏云當如字解謂閨門之內彈射所不及也不
顯謂人所不見之地無射謂無人指摘之處不顯而
常若十目所視曰亦臨無射而常若十手所指曰亦
保臨者自外臨之保者已自保之恐有失也季氏
云此可見其心之嚴于隱微閨門之內所以為寡妻
之法者
在是矣

肆戎疾不殄烈假不瑕不聞亦式不諫亦入

毛云肆故今也戎大也疾猶難也大難如羗里之
因及昆夷猥狁之為害是也烈光也假至也烈假
連火猶書言光被也瑕玉病也言文王之德如此故
其時雖大難不絕而光益遠被無有斥其瑕玷者
事必前聞而後式不聞亦式者法由此立不待學而
能也人必待諫而後入不諫亦入者由仁義行不待

矯而正也 孔云德極盛故不因患難而有損德本盛故不資輔導而有益

愚按肆與遂同兩肆字皆承上文王之德而言其效也

肆成人有德小子有造古之人無數譽髦斯士

朱云冠以上為成人小子童子也古之人指文王也造說文云就也 郝氏云文王豈弟作人壯者成而有德少者學而有造今雖文王往矣雖肅之精神如在無有厭數于人心士類聞風興起而皆成其為譽髦也

愚按文王德莫大于敬止功莫大于作人詩稱之一而足故此篇以造士終文王之聖成人二句言文王作人之效辟雍鐘鼓皆所以成就造育之也古之人二句非言無數以致譽髦言其無數之心于即

今譽髦可見耳蓋教育人才沒世不倦也夫以文王之修身如此其敬而教士如此其勤則亦終其身于無數而已孔子不厭不倦庶幾似之

思齊五章二章章六句三章章四句

鄭氏分為四章章六句何

氏謂即九夏中之齊夏

皇矣序曰美周也天監代殷莫若周周世世修德

莫若文王

縣之章意在叙王業之艱難故詳在太王遷岐而以文王為餘波此章意在叙王業

盛大之由故詳在文王伐密伐崇二事而以太王王季為緣起

愚按通篇推本上帝之眷周欲以周代商久矣太王之傳王季王季之襲有周皆所以承帝意也至于文

王而帝之眷益隆帝之意益切而文王恪守臣職其
可以有天下之武功惟施之于伐密伐崇而終不肯
代商一若與帝意相左者
乃深于膺帝之眷者也

皇矣上帝臨下有赫監觀四方求民之莫維此二國其
政不獲維彼四國爰究爰度上帝耆之憎其式廓乃眷
西顧此維與宅

朱註賦也毛傳缺從上視下曰臨與監同意赫兼
威明二義莫漢書作瘼瘼病也毛云二國謂夏
商也其政不獲謂失其道也孔云不得于民心也
通解謂商非指紂太王當祖甲之時紂尚未生此時
殷政漸衰故云然上帝謂二國失政不可復興而
于四方諸國爰究爰度擇其可以為斯民之主也

朱註耆憎式廓未詳其義或曰耆致也憎當作增式廓猶言規模也毛云耆老也廓大也郝氏云耆遲

久意武王伐商遲至十三年故周頌云耆定爾功

愚按耆訓老猶云久也今人稱蓄意久者亦曰老謀此言上帝究度已久意已屬周而未遽屬者是時周尚居幽帝以幽土規模僻小憎其不足以開王業也乃眷西顧予以岐山之地西顧者顧岐也

作之屏之其畱其翳修之平之其灌其柵啓之辟之其
裡其楮攘之剔之其檠其柘帝遷明德串夷載路天立
厥配受命既固

嚴氏云此章述太王遷岐山林險阻民歸之者衆乃競刊除以立室家以治田畝作拔起也屏除也

爾雅云立死菑斃者翳孔云以立死之木妨他木
生長為木之害曰菑自斃者生木自剝枝葉覆地為
蔭翳曰翳修之平之皆使其不礙行也爾雅云
木叢生為灌行生曰例按灌非木名則例亦非木名
可知字右施列取行列之義也辟通作闢啟辟猶
開闢也左傳所謂華路藍縷以啟山林也檉河柳
也羅氏云天將雨檉先起氣以應之一名雨師大槩
松杉之類而意態似柳檉爾雅云檉也陸璣云節
中腫似扶老即今靈壽杖也檉爾雅云山桑也青州
以絲為貢以檉絲為籬食檉之蠶其絲中琴瑟絃盛
以籬貴之也柘亦桑類可以飼蠶考工記云弓人
取柘柘為上檉桑次之陸氏云其始作之屏之菑
翳而已既歸者眾民無所居則修之平之及于灌樹
啓之闢之及于檉柘至其尤眾也無以處之則攘之
剔之及于檉柘檉柘材之美者蓋不得已而去之故
其卒至于柞械斯拔松栢斯兑也嚴氏云作屏修

平啓辟皆拔去其木攘剔則成長其木也桑柘之性以芟剔而後茂非除之也鄭云串夷即混夷也一云串當作患說文有患字無串字董仲舒亦云持二中者謂之患串夷猶云有夷患耳輔氏云此章首八句人事也後四句天命也由天命時故人事應由人事治故天命從也

愚按此言帝雖遷明德之太王使居岐山當時混夷猶布滿道路時為周患也蓋再傳至文王而夷患始息王業始成耳配爾雅訓如天立厥配為生王季以生文王也周家述先德者必稱先后如大明叙大任生文王太姒篤生武王皆然蓋受命之固莫固于有賢子孫也詩不明叙但冷提一語以暗引下章王季之端太史公每用此法帝既擇吉壤以與之宅又生賢女以立之配蓋欲生一人以代商也帝之為天下而生此一人事事位置豈偶然哉

帝省其山柞械斯拔松栢斯兌帝作邦作對自太伯王
季維此王季因心則友則友其兄則篤其慶載錫之光
受祿無喪奄有四方

省視也其山謂岐山也拔兌見縣篇柞械可以資薪
燎則拔而起之松栢雖稍有刪剪但求其可以通道
路而已故以斯兌言作邦謂周至此時始成其為
邦毛云對配也作對即上章所云天立厥配也自
者追邈之辭周之王業由太伯讓國于王季而文王
興故曰自太伯王季古樂錄稱太王寢疾欲傳位
季歷于是太伯與虞仲去披髮文身託為王採藥後
聞太王卒還奔喪季歷留之終不肯止適于吳則所
謂逃于荆蠻采藥事也而適吳則奔喪後也史記以
太伯奔荆蠻自號勾吳謬矣劉汝楨云仲雍不去

則季歷不王此詩獨言太伯不及仲雍何也太伯讓
固有之位仲雍讓本無之位故難易分而輕重判焉
受祿謂王季受太伯之讓而為諸侯也喪亡也言
能守先業不亡失也太伯既讓國而逃使王季不受
則周家之祿喪矣由王季能受太伯之讓故至其子
孫而奄有四方也當時只讓國耳由後邇所以得天
下之故本于太伯之讓王季之受故並舉以稱朱
善曰太伯當立而不立文王可為而不為故皆謂之
至德非王季之友無以成太伯之志非武王之孝無
以成文王之功武王之孝易知也王季之友難知也
此所以再三
歎咏王季也

愚按作邦作對皆申上義既作之邦以開王業又作
之對以誕聖種自太伯王季初生之時天意已定矣
心指太伯而言太伯以太王之心為心而先幾以去
王季因太伯之心為心而受之不疑是之謂友友也

者友其心也則友疊二字文法惟能體兄之心受兄之讓乃所謂友于其兄則天之鍾愛于我周者至王季而益篤而太伯讓位之至德亦于焉有光矣

維此王季帝度其心
貊其德音其德克明
克明克類克長克君
王此大邦克順克比
比于文王其德靡悔
既受帝祉施于孫子

此承上章言王季受太伯之讓實無利國之心是心也惟上帝能忖度之耳度當作入聲讀貊禮記左傳皆作莫乃無聲之義言王季所重宗社見國之不得不受默然而受之不計較形迹以博交讓之美名正是貊其德音處其德指因心則友之德克明則不惟帝能度之即人亦能亮之矣類似也言其德之

明與太王相似也此結上王季受讓之
案克長克君又自其得國後重歎美之
愚按二章言帝遷明德明德指太王言此言克明克
類者類太王也克長謂周自王季受命為西伯能為
諸侯長也克君能為一國之君也以此世德足以化
侯為王然終恪守臣節既克盡臣順之道又聯比四
方之諸侯以修臣職傳至文王而此四方之諸侯比
于王季者仍比于文王以服事殷不少變其先志蓋
世篤忠貞如此則其受帝福祉而
施于孫子以有天下固其宜矣

帝謂文王無然畔援無然歆羨誕先登于岸密人不恭
敢距大邦侵阮徂共王赫斯怒爰整其旅以按徂旅以
篤周祜以對于天下

此下二章述文王伐密之事 畔通作判援與國也
歆說文云神食氣也鬼神不能食物但食其氣而已
人之感物而動亦如之故程子以為欲之動也美如
孟子云以美補不足周禮凡起徒役毋過家一人以
其餘為美羨者有餘之義 朱註畔離畔也援扳援
也畔援言舍此而就彼也歆欲之動也美愛慕也歆
羨言肆情以徇物也岸道之極至處也 密媾姓其
國在今涇州靈臺縣西與邠州西界相接 阮在密之
南界共阮國地名皆在今涇州 朱註今涇州之共池
是也 季氏云殷政不綱諸侯放恣密人敢侵小國
文王為西伯則其所專征之地也于是整旅以遏密
人徂共之旅整旅之旅文王之旅徂旅之旅密人之
旅也 周祐謂自太王王季積累之福文王興師安
民則帝遷之命至是而益鞏帝祉之受至是而益固
故曰篤也 鄭云對答也孔云以
天下心皆向已舉兵所以答之

愚按文王之德在謙而其道在晦夫道有宜謙者有宜任者一于謙則是有所取舍矣即畔援也有宜用晦者有宜用顯者一于晦則是有所貪著矣即歆羨也皆非適岸也登于岸直是止其所當止下文赫怒整旅皆有所不容已者天欲以文王伐商既稔其文德矣復試之以武功故伐密伐崇皆稱帝謂以表之

依其在京侵自阮疆陟我高岡無矢我陵我陵我阿無飲我泉我泉我池度其鮮原居岐之陽在渭之將萬邦之方下民之望

上章言密人侵阮之後繼以徂共則阮以被侵而共方告急文王整旅以遏徂共之衆此章前七句皆救

共時事 依倚也京周京也蓋阮不能救共而共所
倚者周京之衆也此一語完救共之事 度猶遇也
竹書紂五十二年周師次于鮮原鮮原近岐周出師
往來所必經者文王因密人既服班師而歸道經于
此居岐之陽仍是歸于岐周言密人既服不貪其土
仍還其故居也 毛云將側也 左國材曰將有統
率之義意其地必衆水合渭之處 鄭云方猶鄉也
言文王歸居岐周其地在岐山之南渭水之側四
方慕之莫不趨向歸附此
伐密以對于天下之效也

愚按侵自阮疆者蓋以一兵逼其祖共之旅而不往
救阮乃出阮疆以攻密則阮難自解凡師出其不意
曰侵攻其所不備也于是陟岡據險以為久困密人
之計既入其國則岡與陵泉皆我所有無令陳師于
我之陵陵即我之阿矣無使汲飲于我之泉泉即我
之池矣既奪其險復據其水不與密戰而密自困呂

氏春秋言密須之民自縛其主而與文王當由勢窮力蹙也鄭以度鮮原居岐陽為遷都之事朱註所謂程邑也周書稱文王在程作程寤程典考史記無遷程之事歷觀詩敘文王豐鎬之遷而不及程然按竹書周自季歷之世已作程邑文王釋羑里之囚諸侯逆之歸程及降密之年又書遂遷于程其後周大饑復自程遷于豐程在今咸陽亦屬岐南與畢相接所謂畢程孟子言文王卒于畢郢是也則文王伐密後遷程事或有之但此詩惟言班師歸岐絕不及遷都之事耳

帝謂文王予懷明德不大聲以色不長夏以革不識不知順帝之則帝謂文王詢爾仇方同爾兄弟以爾鉤援與爾臨衝以伐崇墉

此下二章述文王伐崇之事蘇氏云凡言帝謂者以意推天也朱註予設為上帝之自稱也明德文王之明也以猶與也聲謂播名譽也色謂粉飾治績也夏訓大謂喜夸大也革巫也謂躁急變更也何

澍云夏革即好大喜功之說文王因時舉事不以此存心故曰不長崇今鄂縣夏時邑國周滅之徒

都為豐毛云鉤鉤梯也所以鉤引上城者臨臨車也衝衝車也孔云鉤援一物正謂梯也援引也以梯倚城相鉤引而上公輸班作雲梯以攻宋即此陳祥道云臨車高衝車大臨者在上臨下之名衝者從旁衝突之稱楚子使解揚登樓車以告宋人臨車之類也孫武子曰攻城之法修其轅輜衝車之類也

墉城也備攻城之具見崇之負固也

愚按聲其可聞者也色其可見者也不大者一意闇修無心于人之聞見之也夏大也以言怙冒之廣革

變也以言感化之神不長者聽其自然未嘗謂已得
以主之也長字作上聲讀與主字同義呂氏所云德
不形而功無迹與天同體者是也文王既無立名
動衆之思亦無好大喜功之志未嘗自以為聖而一
切聽天自然其胸中豈復有武功之可立而崇侯虎
之可仇乎帝則謂崇不可以不伐兵不可以不興不
如此則不為
順帝則也

臨衝開開崇墉言言執訊連連攸馘安安是類是禡是
致是附四方以無侮臨衝鼎鼎崇墉仡仡是伐是肆是
絕是忽四方以無拂

開開徐緩也毛云動搖也言言高大也鄭云言言猶
孽孽將壞貌嚴氏云文王問罪于崇其始未忍攻

城故臨衝之車闕闕而不用 李來云言言城上人
聲喧雜也行兵者謂啞城難攻以其不言也 左傳
晉侯不見鄭伯以為貳于楚也鄭子家使執訊而與
之書以告趙宣子杜註執訊通訊問之官占者兵交
使在其間故詩亦曰執訊也連連狀其往來不絕蓋
欲招降之而崇侯虎反復多端也于是則有所斬馘
以警懼之 安安不輕暴也馘者殺而獻其左耳罪
其不聽命也字林云截耳則作耳傍獻首則作首傍
伐 按左傳宋人圍曹司馬子魚曰文王聞崇德亂而
伐之軍三旬而不降退修教而復伐之因壘而降此
章首四句即三句不降之事自是類而下皆再駕復
伐時事 爾雅云類禡師祭也類者類于上帝泰誓
云類于上帝宜于豕土皆出師之祭禡者禡于所征
之地馬上祭也 楊慎云馬上祭曰禡字从馬猶車
下祭曰輶字从車也 是致致其自至是附使之來
附不威以兵而感以德也四方不以文王為兵力不

足而敢侮慢也 毛云第第彊盛也 仇仇猶言言也
揚森云第第奮怒貌 仇仇孤城堅守貌 鄭云伐
謂擊刺之肆犯突也 左傳曰使勇而無剛者肆之
言始緩攻以致附之及終不服乃縱兵以滅之四方
聞之皆謂誅當其罪無以為過當
者此所謂王者之師順帝之則也

皇矣八章章十二句

朱傳謂此詩叙太王太伯王季之德以及文王伐密伐崇

之事云一章二章言天命大王三章四章言天命
王季五章六章言天命文王伐密七章八章言天
命文王
伐崇

愚按前四章雖分指太王王季詩意一氣注下謂
天生文王以啓周之王業故生太王王季以開之
先也然文王實未嘗王三章之末言奄有四方四
章之末言施于孫子皆指武王言則此詩當作于

武王之世述先世之功德也

靈臺 序曰民始附也文王受命而民樂其有靈德

以及鳥獸昆蟲焉

竹書商紂三十七年周作辟雖四十年周作靈臺四十一年春三月

西伯昌薨故知是文王末年事

愚按此篇稱文王為王非作于文王之世

經始靈臺經之營之庶民攻之不日成之經始勿亟庶

民子來

朱註賦也毛傳缺 毛云經度也 織絳徒曰經橫 曰緯故取為從橫量度之義 鄭謂營為表按營者

周匝之義謂圖迴于心王心方遲回而庶民已攻作也 不日不終日也 陳搏云勿亟者愛民之仁子來者事君之義 三輔黃圖靈臺在長安西北四十里靈囿在長安西四十二里靈沼在長安西三十里本三處但地相近耳朱子謂臺下有囿囿中有沼非也 鄭云天子有靈臺者所以觀祲象察氣之妖祥也春秋傳曰公既視朔遂登觀臺以望而書雲物為備故也 靈臺辟雖初自文王其後周有天下周公制禮定為天子之制服虔左傳註言天子曰靈臺諸侯曰觀臺按地理志濟陰郡成陽有堯靈臺後漢章帝紀云祠唐堯于成陽靈臺則是靈臺之名堯已有之又左傳秦伯獲晉侯以歸乃舍諸靈臺杜預註其地在京兆鄠縣恐即周之故臺也若哀公二十五年衛侯為靈臺于藉園則僭名之耳 五經通義云靈臺在于野中國之南附近辟雍上平無屋望氣顯著殆足信矣

王在靈囿麋鹿攸伏麋鹿濯濯白鳥翯翯王在靈沼於
物魚躍

毛云囿所以養育禽獸也

淮南子云湯始作囿以奉宗廟橋鮮之具

毛云麋

牝也牡曰麋

鄭云攸

所也文王親至靈囿視麋鹿所遊伏之處言愛物也
治者池之別名圖曰池曲曰沼劉向新序云文

王作靈臺為池治掘得死人之骨吏以聞于文王
命吏葬之天下聞之皆曰文王澤及枯骨物滿也

魚驚則潛今物而躍者習于仁而自遂也真氏云
鹿之在囿如在山林魚之在沼如在江河文王之德

及飛潛各安其處
此所謂不擾也

虞業維樞貢鼓維鏞於論鼓鐘於樂辟靡

孔云懸鐘磬者兩端有直木其上有橫木直者為簾橫者為桷桷上加大版為之飾曰業其懸鐘磬之處又以彩色為大牙其狀隆然謂之崇牙字說云檜栢葉松身則葉與身皆曲樅松葉栢身則葉與身皆直毛云賁大鼓也鏞大鐘也一云鏞庸也庸用也古人有大功必銘于鐘鐘師掌金奏大鐘也鐸師掌金奏小鐘也自虞至周鏞大而鐘小自周公制樂鐘大而鐸小言鼓在鏞之先者禮視學必先奏鼓文王世子曰天子視學大昕鼓徵所以警衆是也毛云水旋丘如璧曰辟雖以節觀者孔云謂今在外而觀也漢明帝視辟雖人園橋門而觀當即周制周頌振鷺于飛于彼西雖先儒謂辟雖在西邽王制云小學在公宮南之左大學在郊此足証矣陳氏禮書謂諸侯之學小學在內大學在外取其選士必由內以升于外而貢天子也天子之學小學居外大學居內取其選士必由外以升于內也陳祥道

云四代之學虞則上庠下庠夏則東序西序商則右學左學周則東庠虞庠而又有成均辟雍瞽宗之名記曰天子設四學蓋周制也辟雍即成均也東膠即東序也瞽宗即右學也其制成均居中其左東序其右瞽宗此大學也蓋夏學上東而下西商學上右而下左周所存特其上者耳右學東序與成均並建于一丘之上成均以頌學政右學以祀樂祖東序以養老更而養庶老于虞庠虞庠在國之西郊即小學也文王世子云春夏學于秋冬學于禮者皆于東序春誦夏弦太師詔之瞽宗秋學禮執禮者詔之冬讀書典書者詔之禮在瞽宗書在上庠竹書文王作靈臺時已有辟雍至此乃講究作樂之事以教士也故先言論鼓鐘而後言樂辟雍雖辟雍雖雖設而無以為育才之具安可樂乎愚按論論定之也樂有八音而專論鐘鼓者舉大以該小也荀卿云鐘陰聲也鼓陽聲也在天則陰陽和

然後萬物得在樂則鐘鼓應然後八音諧故獨鐘不能以和聲獨鼓不能以成樂是以鐘師掌金奏必以鼓倡之鼓人掌六鼓必以四金和之此論鐘鼓之實義也臺治游觀無非可樂之事而稱其樂者乃在辟雍之論鐘鼓蓋以是為大樂也孟子所云得天下英才而教育之三樂也

於論鼓鐘於樂辟雖鼙鼓逢逢矇瞍奏公

此承上二句申歎文王辟雍之樂月令季夏命漁師取鼙註云皮可冒鼓陸氏謂鼙鼓非特有取于皮亦其聲象鼙之鳴陳陽云其制大以短所以鼓金奏非所以節樂周禮鼓人以晉鼓鼓金奏者是也上章有貢鼓舉其最大者言之此章鼙鼓以始作者言之蓋自鼙鼓鼓衆而後矇瞍始作樂也何氏云矇矇石施蒙童蒙也是幼而無見者矇石施叟長老之稱是老而無見者總謂之瞽耳嚴氏云樂之更

端曰奏故九
成曰九奏

靈臺四章二章章六句二章章四句

呂氏謂前兩章樂文王有

臺池鳥獸之樂後二章樂文王
有鐘鼓之樂皆述民樂之詞

愚按辟雍論樂乃文王制作之大者而文王德業
亦莫大于興賢育人故詩人于於樂二句疊言之
以歎其盛此其樂不專在鐘鼓而樂鐘鼓之
在辟雍固未可與臺池鳥獸並提而論也

下武序曰繼文也武王有聖德復受天命能昭先

人之功焉

郝氏云詩稱武王有天下以文德不以武
功序曰繼文言繼先王文德也何氏云

下堂下也武大武也周公作大武之樂象伐紂之事
以管播其聲又于庭中為大武之舞皆在堂下故云

下武文王世子云下管象舞大武
大合衆以事達有神興有德也

下武維周世有哲王三后在天王配于京

朱註賦也毛傳缺 下武言下堂奏大武之樂維周
誦新朝一代之制作也周禮大司樂職云舞大武以
享先祖孔謂七廟同用樂言先祖以總之 大武之
樂雖為武王而作而積累有自因推原于世有哲王
指下文三后也以追王故稱王 毛
云三后太王王季文王也王武王也

王配于京世德作求永言配命成王之孚

世德謂先世之德作求謂能起而求之也善繼述也
周昌年云求有參經權通常變無方以求之意
愚按求通作述毛氏訓好述謂述匹也即上文配也
謂王之所配三后而三后之德亦世世能相配也王

配于京配三后也永言配命配天也三后以天心為心故沒而精神在天武王以三后心為心故配三后實所以配命永言者言能長存此配命之心不敢一毫有戾于天乃能成王之孚孚者鳥以爪抱子時時抱持不失即永言之義也蓋武王思繼三后以配天命其誠如此

成王之孚下土之式永言孝思孝思維則

此章根孚字來鳥孚久而子出王孚成而天下化式法也言四方皆以為法也

愚按永言孝思正永言配命處乃所謂孚也維則者言子孫世世宜取法也與下土之式無涉

媚茲一人應侯順德永言孝思昭哉嗣服

毛云一人天子也朱註一人謂武王應如不應後志之應上言下土之式猶為西伯時也此則天下

受戴之以宜為天子也而一時
正應者無他雖以其順德耳

愚按應者人也順者天也惟其有順天之德故人應之此一句謂武王順天應人以伐紂定天下也此蓋武王之孝思不忘誠積而通故能從天人之意以成先人服事之心所謂善繼善述也于先人之志事豈不益昭明哉
服事也

昭茲來許繩其祖武於萬斯年受天之祜

朱註昭茲承上句而言茲哉
通用來後世也許猶所也

愚按此言武王之孝所以昭先世者至今為昭也繩其祖武主嗣王言勉其如武王永言配命以成孝思則國祚萬年受天之祜矣

受天之祜四方來賀於萬斯年不遐有佐

受天之祜語聯上章當主後世子孫言朱註賀朝賀也周末秦強天子致胙諸侯皆賀即此賀也來賀謂四海之內悉主悉臣莫敢不來享莫敢不來王也遐何通佐助也猶言豈不有助乎黃佐云武王之道繼述而已茲應侯順德大著于當時受祜有助可及于後世能配三后有以哉後之謂漢家自有制度者守漢法也喜觀貞觀故事者守唐法也惜乎漢唐之非法也太甲視乃烈祖而諸侯咸歸武丁監于成憲而編髮來朝孝思維則也

下武六章章四句

按前篇文王之雅已畢此篇始誦武王故序曰繼文朱註或疑

此詩有成王字當為康王以後之詩中培謂康王祀成王奏大武六成既畢受釐陳戒之詩

愚按以下武為大武不知所謂下者堂下也所謂升歌清廟下而管象是也

文王有聲序曰繼伐也武王能廣文王之聲卒其

伐功也

朱註此詩言文王遷豐武王遷鎬之事
云詩首尾四章稱文武者文始之武終之也中

四章稱王后皇王者繼諸侯而為天子也文王伐崇
作豐而王業始武王伐商作鎬而王業成文王求寧
以始武也武王燕子貽孫
以終文也故序曰繼伐

愚按此詩篇末言以燕翼
子當是作于成王之世

文王有聲適駿有聲適求厥寧適觀厥成文王烝哉

朱註賦也毛傳缺有聲言有聲譽也孔子閒居曰
一代之王必先其令聞是為有聲矣
適說文作𨔵

云詮辭也 朱註與事同發語辭駿大也 方文曰
駿兼有速義 孟子云德之流行速于置郵而傳命言
仁聲之感人速也 寧寧民也 武王所謂無畏寧爾
也言文王無心于民譽惟求所以安民之道使天下
皆以治岐之政治之而後謂
觀厥成也 鄭云烝君也

愚按小雅烝訓衆又訓進大抵氣合而上升為
極盛之稱 求寧觀成皆指作豐之事而言

文王受命有此武功既伐于崇作邑于豐文王烝哉

受命即皇矣篇所云帝謂文王詢爾仇方也言文王
伐崇蓋受天之命以討有罪 左傳云戡定禍亂為
武功 鄒氏云文王以伐密之明年伐崇越三年自
程遷豐豐即崇國之地故言作邑于豐而先之以伐
崇

築城伊瀝作豐伊匹匪棘其欲遁追來孝王后烝哉

鄭云方十里曰城瀝其溝也朱註匹稱也言文王營豐邑之城因舊溝為限而築之其作邑居亦稱其城而不侈大何氏云指城鎬也竹書商帝辛三十五年西伯自程遷于豐三十六年西伯使世子發營鎬其事在文王作辟雖靈臺之前即此章所咏也毛云匹配也作豐伊匹與周書洛誥篇作周匹休語意正同成王命周公營洛與周對峙為周之匹文王命武王營鎬與豐對峙亦為豐之匹也棘通作亟急也文既作豐武復作鎬疑其有速欲拓土開基之意而非也其營鎬亦惟追文王來豐之孝而已文王自岐之程而又來豐皆上體先志使前緒不墜后昆永保之孝思也王后指武王也自今日言之為王自昔日言之但為后后者君之通稱此以武王未有天下之時言故稱與後章皇王有異疑武王嗣位為

諸侯時即已都鎬鄭氏
謂居鎬之後始伐討也

愚按此下三章皆言營鎬之事特不露鎬字故使人
不覺耳 減舊訓溝與洫同愚謂分界為域而減則
水之分界處也考豐邑在豐水之西鎬京在豐水之
東兩都對峙則豐水正居其中蓋以豐水為界而令
築鎬城以為豐之匹耳帝王
世紀云豐鎬相去二十五里

王公伊濯維豐之垣四方攸同王后維翰王后烝哉

王公指文王也自今日追王稱之為王自昔日為西
伯時稱之其爵則上公也王后稱武王所以別于文
王也 濯著明
也說文云澣也

愚按豐為崇虎積污已久自文王遷居而洒濯更新
又使武王營鎬于豐之東為豐之藩垣則形勢益壯

而四方歸附者皆倚之為損幹矣以上
二章皆文王在位命武王營鎬之事也

豐水東注維禹之績四方攸同皇王維辟皇王烝哉

雍大記云豐水出終南山澧谷自鄠縣界入咸陽合
渭水嚴氏云禹貢東會于澧註云澧水自南而合

蓋澧水自南而北流入渭故豐在其西鎬在其東詩
言東注者是會渭之後乃東注入河也又云豐鎬

在渭水之東西故二都皆可言豐水此指鎬京所見
而言皇王稱武王也言豐水會渭而東注于河者禹
之功也武王作鎬邑于豐水之東而四方同歸周者
以武王足以為天下之君也言能除害濟民功足以
配禹也意在贊武
王不在思禹功

愚按豐水東注于鎬鎬者水之所聚王氣之所鍾也
惟禹之導水使東故成此勝地其地自然使四方來

同而足以君天下故
下云考卜維王也

鎬京辟離自西自東自南自北無思不服皇王烝哉

鎬通作漕地以水得名漢長安城西有鎬池在昆明
池北周匝二十一里即周之故都也按武王遷鎬

已久及有天下鎬始稱京首述辟離為教士養老之
處此武王第一大事故特舉言之張子云靈臺辟

離文王之學也鎬京辟離武王之學也至是辟離始
為天子之學矣按周自西土興近者先被其化其

後乃漸及于東故曰自西自東周自文王化已行于
江漢其後乃漸及于北故曰自南自北皆對舉之詞

亦立言之序也

愚按首舉辟離即武王散軍
郊射偃武修文之始事也

考卜維王宅是鎬京維龜正之武王成之武王烝哉

鄭云考猶稽也宅居也稽疑之法必契灼龜而卜之
維王卜云此地當興王也言武王所以居鎬京

者當營鎬之時龜已出吉兆以正告之故決意遷都
以成龜卜之吉兆也董氏曰卜筮之道必先斷于

心故曰考卜惟王則王志先定矣其考卜者
所以濟衆志也洪範稽疑以汝則從為主

愚按逸書文王受命之九年時維暮春在鄘謂太子
發曰吾語汝則文王固當在鎬矣而不居者正以龜
有維王之兆故不敢居所以堅臣
節也至武王而始居之以成其兆

豐水有芑武王豈不仕詒厥孫謀以燕翼子武王烝哉

朱註興也芑有指穀言者維縻維芑是也有指菜
言者脫可生食亦可蒸為茹青州人謂之芑西河鴈

門芭尤美胡人戀之不出塞此言生于豐水之傍當是芭萊朱註任事也言豐水猶生芭武王豈無所

事乎詒厥孫謀以燕翼子則武王之事也謀及其孫則子可以無事矣嚴氏云孫所該者廣曾玄以下

皆孫也謀及于孫之遠則其子可知矣詒
諫燕翼漢宣帝所謂吾當其勞以逸遺汝也

愚按國以人才為本聖人于子孫計久遠莫大于貽
以人才所謂敷求哲人俾輔于爾後嗣也豐水有芭
興鎬京之多才在野皆髦士也蓋自辟離育才故才
盛而用之不盡猶豐水澤物故芭盛而采之不盡今
茲濟濟者在武王時豈不令仕進乎惟用之不盡而
留以貽子孫也宋祖留張齊賢以貽太宗明祖留方
孝孺以貽建
文皆仿此意

文王有聲八章章五句

朱子謂此詩以武功稱文
王至于武王則言皇王維

辟無思不服而已蓋文王既造其始武王續而終之無難也又以見文王之文非不足于武而武王之有天下非以力取之也謂通篇為文王遷豐武王遷鎬之事鄧元錫以後六章皆言武王始營鎬而後宅鎬于文理次序為順

文王之什十篇六十六章四百一十四句

朱子云鄭譜謂

此以上為文武之詩以下為成王周公時詩今按文王首句即云文王在上則非文王之詩矣又曰無念爾祖則非武王之詩矣大明有聲並言文武非一安得為文武時所作乎蓋正雅皆成王周公以後之詩但此什皆為追述文武之德故譜因此而誤耳

生民之什三之二

自此至板凡十篇內卷阿以下終之八篇成王時詩民勞以下終

蕩之什皆
變雅也

生民 序曰尊祖也后稷生于姜嫄文武之功起于

后稷故推以配天焉

日 月 今云孟春之月天子乃以元祈穀于上帝左傳孟獻子曰

郊祀后稷以祈農事也是故啓蟄而郊郊而後耕家語孔子曰郊之祭也迎長至之日也周之始郊其月以日至其日用上辛至于啓蟄之月則又祈穀于上帝楊氏云冬至之郊為大報天正月之郊為祈穀二郊不同而皆配以后稷按月令家語皆謂正月祈穀上帝此詩末章曰上帝居歆知其為郊穀也其上章曰以興嗣歲蓋以明末章豆登之祀在正月也因祈穀而詳述后稷之農事又因述后稷之農事而推本于所自生見天為粒食蒸民而生后稷此其所配以配也后稷于長至配天其樂歌則思文之詩于

元日配上帝其樂歌則生民之詩何氏曰長王之郊稷固以祖配祈穀之郊稷實以功配無教民稼穡之功安得祈穀配帝乎

厥初生民時維姜嫄生民如何克禋克祀以弗無子履帝武敏歆攸介攸止載震載夙載生載育時維后稷

朱註賦也毛傳缺鄭樵云民賴五穀以生其初生此民者誰與是惟姜嫄也以后稷生于姜嫄故也史記以姜嫄為帝嚳元妃大戴禮云帝嚳卜其四妃之子皆有天下上妃曰姜嫄生后稷次妃曰簡狄生契次妃曰慶都生帝堯下妃曰常儀生摯摯立九年而廢諸侯共尊堯為帝應以摯堯年長于稷契而得立爾時不論嫡庶也堯既嗣摯為帝則為嚳後者當屬堯之子孫稷不得為後故周人特立姜嫄之廟

而咏歌亦止及嫫也 吳德操曰周之嫫廟其來久矣有天下之後始禘嘗而郊稷則未嘗不推嘗為始祖之所自出而為之後也 傳曰精意以享曰禋周禮大宗伯職云以禋祀祀昊天上帝 毛云古者必立郊禘玄鳥至之日以大牢祠于郊禘天子親往后妃率九嬪御乃禮天子所御帶以弓韞授以弓矢于郊禘之前 月令郊作高郊高音通也 鄭云弗之言被也 禘于郊禘以被除不祥故用弓矢即後世射弧星之意無子不祥之大者也 毛云履踐也帝高辛氏之帝也武迹也敏疾也歆享也言姜嫫從帝祀于郊禘隨帝步武以行將事齊敏而神享其祀孫矣云介者相助之意攸介以姜嫫助祭言攸止則祭畢之時蓋助祭甫畢而身如有所感因而有娠朱子宗鄭氏謂姜嫫出祀郊禘見大人跡而履其拇歆歆然如有人道之感而震動有娠

愚按介如有左右之者止如有憑依之者此郊禘之神感也震動也夙肅也因有感動益肅然以敬生而棄之以其非人道生怪之也帝即嚳嚳前嫫隨是履帝武也敏歆謂忽然有所感耳巨跡之說出列子鄭玄信識緯以帝武疑似之詞遂為是說

誕彌厥月先生如達不圻不副無菑無害以赫厥靈上帝不寧不康禋祀居然生子

誕發語辭彌終也鄭云后稷之在其母終人道十月而生上章禋祀以玄鳥至之月下章言生而置之寒冰則稷以春分之月孕以冰堅之候生正足十月之期鄭云達羊子也生如達之生言易也圻說文云裂也副本作𡗗說文云判也圻副即所以災害其母赫顯也孔云天意以此顯明其有神靈也

憑按姜嫄從禋祀之時心動有孕時懷憂疑蓋以高
禋之神赫然顯其靈異不假人道而予之子自疑豈
上帝不寧將降之禍耶抑禋祀不誠神不安其祀而
示此異耶則所孕必為妖孽怪物今則居然生子矣
以赫以字

直貫下

誕寘之隘巷牛羊腓字之誕寘之平林會伐平林誕寘
之寒冰鳥覆翼之鳥乃去矣后稷呱矣實覃實訐厥聲
載路

承上章言所生雖居然為子而終以為妖異不敢養
而棄之棄之而靈異復如此也腓莖也字愛也
鳥謂眾鳥或覆蓋其上或輔翼其兩傍以禦其寒
毛云覃長也訐大也呱聲之大而遠聞也鄒氏云

壁觀傳紀齊頃公之棄也野狸嫗之卒有齊國楚若
教之棄也於菟乳之卒為令尹昆莫之棄也野鳥銜
肉飼之卒王烏孫索東明棄溷而豕嘔之棄廢而馬
噓之卒王扶餘天之所生豈人可得而棄又何疑于
生民之
聖祖哉

愚按腓隨足而動史記謂馬牛過者皆
辟不踐足不忍踐是以足愛護之也

誕實匍匐克岐克嶷以就口食蓺之荏菽荏菽旆旆禾
役穠穠麻麥幪幪瓜瓞嗶嗶

匍匐手足並行也岐通作跂方言云登也梁益之
間曰跂 嶷嶷峻貌言能跂足而登立而竦峻也
方文曰以就口食言能跂立取食以就口時也此句
屬上 毛云荏菽戎菽也今大豆也大豆生戴甲而

出土厚則項折不能長達旃旃如旃旃之揚起也
禾指稻黍稷言邠詩言禾麻菽麥孔謂麻與菽麥則
無禾稱故于麻菽麥之上更言禾字以總諸禾是也
役列也言有行列穗即穗字詩詁云禾多穗也

羅氏云麻子可食皮可績為衣別而言之有實者別
名苴無實者別名藁總名為麻夏時舊穀已絕新
穀未登民于此乏食而麥最先熟故以為重麻與麥
互相為候齊民要術註謂麻黃種麥黃種麻故詩
以麻麥連言懔當作蒙言茂密也嗔通作莽瓜
多實也先言荏菽次言禾次言麻麥以種植之先
後為次大豆種最早稻與黍稷其候不甚相

遠麻以夏至種故次之麥在仲秋最居後

慈按荏菽等雖是嘉種洪水初平俱雜生草萊中稷
兒時即能簡而殖之此皆言稷兒時以種植為嬉戲
事

誕后稷之穡有相之道弗厥豐草種之黃茂實方實苞

實種實發實秀實堅實好實穎實粟即有邵家室

此章是堯使棄居稷官為農師教民之事說文云穀可收曰穡但舉穡者要其成而言也毛云相助

也洪範相協厥居易云輔相天地之宜是也弗厥

豐草以下言有相之道洪範曰土爰稼穡故五穀

色多黃方朱註房也李巡云物叢生曰苞呂覽云

三以為族故多粟種生不雜也不雜謂不稂不莠

嚴氏云大田言既種既戒在未耕之前故為擇其

種此言種之黃茂已是擇種繼言實種在方苞之後

故為生不雜也襄即袖字枝葉長也言禾穗之長

而垂如袖也發盡發也秀始穟也堅者其實堅

也呂覽云得時之稼與失時之稼約莖相若稼之得

時者重粟相若而春之得時者多米皆堅之義也

好謂無有害之者穎是禾穗之挺又垂末也實繁碩故垂末也粟粒飽滿也左傳嘉粟旨酒義亦本此

郇亦作釐括地志云故釐城在今武功縣西古郇國也亦作駘左傳云魏駘芮岐畢吾西土也或云

姜嫄有駘氏女堯封稷于駘以其母國也然太王亦娶于有駘氏曰大姜是姜姓之駘至周猶在按稷封

之郇在武功姜姓之駘在瑯邪

愚按第豐草而種黃茂后稷所以教天下之為農者如此實方實苞五句言所收之穡如此非率后稷之教不能有也是為后稷之穡自烈山氏以柱教穡天下知有粒食至堯時復成洪荒穀種雜生草木中不復可辨民不知稼穡久矣稷無所師授而于豐草中能別其黃茂之種識其種植之法以教天下使萬世享其成其功豈必繼柱而起而柱烏可與比烈哉即者至其地而安焉易所謂旅即次也稷雖封于

卽而教民稼穡勞瘁隴畝不暇就其封邑至教之既成穡之有收如此然後始得至卽而安于其家室也孟子曰禹稷三過其門而不入卽此詩見稷之勞不在禹下矣

誕降嘉種維秬維秠維糜維芑恒之秬秠是穫是畝恒之糜芑是任是負以歸肇祀

此章述后稷封卽之後教民播種嘉穀以供祭祀也朱註降降是種于民書曰稷降播種是也上章

言有相之道則已教民播種矣然所播者不過荏菽黍稷麻麥之類此特舉穀之嘉者言之以其可以供祭祀故重之也秬黑黍也秠一稗二米也孔云秬是黑黍之大名秠是黑黍之中有二米者別名之為秠羅氏謂百穀之中一稗二米者惟麥為然周所受瑞麥來麴一米二縫則秠者正此來麴耳郭

璞云糜今之赤梁粟芑今之白梁粟羅氏云古不以粟為穀名但米有乎穀者皆稱粟今以穀之細而圓者為粟則梁是其類梁即今膏梁也金履祥謂秬秠糜芑自后稷始知種之故曰誕降嘉種恒常也季氏云言他穀有時可缺惟此四種則當徧植歲以為常也朱註既成則獲而栖之于畝任負而歸以供祭祀秬秠言獲畝糜芑言任負互文耳肇始也言此四種可以供酒醴粢盛之用前此祀典所未有至后稷降種于是內外百神之祀始用之以祭明此禮始于唐虞而實后稷開之也

誕我祀如何或春或揄或簸或蹂釋之叟叟烝之浮浮載謀載惟取蕭祭脂取羝以較載燔載烈以興嗣歲

殷大白云我祀為時王之時言也自后稷始以嘉穀供祀我子孫今日踵而行之其制以為饎之法則如

下文所云也

楚語

天子

禘郊

之事

王后

必自

春其

粢諸侯宗廟之事

夫人必自

春其

盛韋

昭註

粢盛

互

文也

揄抒

白也

謂抒而

下取之

也

簸揚

去糠

也

說文

云漬

米

蹂者蹂

禾取

穀以

繼之

也

釋

浙

米也

說文

云漬

米

也

浙者

汰也

叟叟

聲也

浮

浮氣

也

釋

之

黍

之以

為

酒及

簋

簋之

實

朱註

謀卜

日

擇

士

也

將

祭

必

先

習

射以

擇

士

射

中

者

得

與

于

祭

惟

說

文

云

凡

思

也

者

非

一

之

詞

祭

義

思

其

居

處

思

其

笑

語

思

其

志

意

思

其

所

嗜

是

也

蕭

香

蒿

也

脂

即

膏

膏

者

牛

腸

脂

也

說

文

云

戴

角

者

脂

無

角

者

膏

取

蕭

祭

脂

取

香

蒿

及

祭

祀

之

脂

合

黍

稷

燒

之

所

以

達

其

馨

香

之

氣

使

神

歆

饗

之

也

羅

氏

云

周

人

尚

臭

以

鬱

合

鬯

灌

以

圭

璋

而

使

臭

陰

達

于

淵

泉

既

奠

然

後

炳

蕭

合

黍

稷

羶

薌

薌

而

使

臭

陽

達

于

牆

屋

臭

陰

以

水

而

報

魄

臭

陽

以

火

而

報

氣

歆

牡

羊

也

軼

道

祭

也

按

軼

祭

有

二

有

出

行

之

軼

又

名

祖

有

祭

行

之

軼

月

令

中

央

土

其

祀

中

雷春祀戶夏祀竈秋祀門冬祀行謂之五祀行在廟門外之西為輶壤北面設主于輶上祭畢乘車轡而遂行此為祭行之輶蓋五祀中之冬祭非出行之輶也五祀則羊人供其羊牡若出行輶祭則以犬矣觀下文云以興嗣歲知此為冬祭也季氏云燔烈兼宗廟輶祭而言廟與輶皆有尸所以為尸羞也鄭云嗣歲新歲也孟春之月令曰乃擇元日祈穀于上帝冬祀行畢則祀無不舉而今歲之事畢矣繼之曰以興嗣歲謂新歲祈穀之祭復起即下章所稱是也

印盛于豆于豆于登其香始升上帝居歆胡臭亶時后稷肇祀庶無罪悔以迄于今

此章言祈穀郊天而以后稷配上章所謂嗣歲之祭詩正為此而作也印我也印盛猶上言我祀非必

身親執其勞也

爾雅云木豆謂之豆瓦豆謂之登

毛云豆薦菹醢也登大羹也

王氏云釋之羔之藍

蓋尊爵之實也歾俎實也豆登則實以菹醢大羹之

器也或言其器或言其實互相備也

孔云合天與

五帝謂之上帝

陳祥道云五帝與昊天同稱帝不

與昊天同稱天猶諸侯與天子同稱君不與天子同

稱王

朱註居安也鬼神食氣曰歾

陸燧云獨言

天不言稷者天之感格以稷配祭而然也

亶誠也

時言得其時也

庶者辛喜之詞

愚按其香指黍稷之馨也始升而上帝即歾言其歾

之速也慶幸之餘乃復驚異之曰是胡臭而帝歾誠

以薦之得時乎謂孟春元日也蓋自后稷以嘉穀馨

祀子孫世守不替備物順時庶無罪悔以至于今此

帝所以歾也追維其功尊

后稷以配帝不亦宜乎

生民八章四章章十句四章章八句

毛氏以第三章八句四章

十句朱子以第三章當為十句四章當為八句則音韻既諧文勢通貫

愚按詩八章皆以十句八句相間為次又二章以後七章以前每章之上皆有誕字可據朱子疑郊祀之後有受釐頒胙之禮則用此詩蓋因思文之頌已是郊祀配天所用不應有二詩也然此祈穀之郊彼冬至之郊自應各有其詩

行葦序曰忠厚也周家忠厚仁及草木故能內睦

九族外尊事黃耆養老乞言以成其福祿焉

孔云禮有族食

族燕周禮鐘師有族夏杜子春謂族人侍奏族夏

愚按後漢桓榮有云文王葬枯骨公劉敦行葦世稱其仁吳越春秋稱公劉行不履生草運車以避葦葦實有其事則首四句豈燕同姓而述祖德以勗之

敦彼行葦牛羊勿踐履方苞方體維葉泥泥戚戚兄弟莫遠具爾或肆之筵或授之几

朱註興也下二章賦也毛傳缺敦聚也說文云厚也孔云葦之初生其名為葦稍大為蘆長成乃名為葦八月荏葦是也牛羊勿踐履是春夏時事蓋自葦萌時即護之使成葦也行道也古路在井間旁近溝洫多生蘆葦牛羊往來易以踐踏苞以根之叢生而盤結言體成莖也泥泥沾濡貌是近水而多潤澤之意毛云戚戚內相親也鄭云莫無也爾謂進之也王與族人燕兄弟之親無遠無近俱揖

而進之年，揖者為設筵而已。老者加之，以几。几說文云：踞几也。徐鍇云：人所憑坐也。陳祥道云：席常設于賓未至之前，几常授于行禮之際。其將授也，必拂其授之也，必拜送其受也，必拜答。或授或設，俱以執事之人言之。

肆筵設席，授几有緝御。或獻或酢，洗爵奠斚，醢醢以薦，或燔或炙。嘉散脾臠，或歌或嘏。

孔云：鋪陳曰筵，籍之曰席。蓋鋪陳者品物，而席則身所藉也。此蒙上章言肆筵設席之外，又有設席授几之。外又有緝御，緝御者謂侍御之人接續不斷授几以安其體。緝御以供其使令也。進酒于客曰獻，客答之曰酢。主人又洗爵，饌客。客受而奠之，不舉也。斚爵也。夏曰：踐，殷曰：斚。周曰：爵。孔云：所洗所奠猶一。

物也鄭玄周禮註讀掌為嘏考工記梓人云獻以爵而疇以觚觚嘏同音疑掌即觚耳爵受一升觚受三升何氏云客酢主人主人卒飲乃更酌觚而自飲以酬客客受之莫而不舉以俟旅酬此所謂奠掌者也醢肉汁也醢肉醬也鄭云薦之禮非蒞則醢也燔用肉炙用肝穀通作肴國語云王公立飲則有房烝親戚晏饗則有肴烝脾說文云土藏也臠作谷說文云口上阿也服虔云口上為臠口下為阿朱註歌者比于琴瑟徒擊鼓曰瓘

愚按筵所以為燕席所以為坐周禮天子三重之席有莞席蒲席次席次以桃竹枝為之重席者取其襯貼厚而起居安也古人席地而坐跽也凭之以几所以優老今西域僧趺坐獨老者凭几其製正類几字左傳知武子斥諸大夫投之以几易稱渙弄其机机者所持以安即几也

敦弓既堅四鍤既鈞舍矢既均序賓以賢敦弓既句既挾四鍤四鍤如樹序賓以不侮

此章言燕射之事按燕射與大射不同燕射主于飲酒故于大夫士俱旅之後行之取其足以勸酒合歡而已大射主于射故在未舉旅之前行之則為將祭擇士故也賓筵大射也以篇有烝衍烈祖之語知之此章燕射也其意專藉燕樂以篤親故知非大射也敦弓畫弓也天子敦弓敦亦作彫荀子云天子雕弓諸侯彤弓大夫黑弓嚴氏云諸臣不必畫弓以天子燕射故舉天子之弓予之爾雅云金鍤翦羽謂之鍤骨鍤不翦羽謂之矢考工記矢人為鍤矢三分一在前二在後註謂參訂之而平者前有鐵重也鄭云舍之言釋也謂發矢也既均謂皆中也賢勝也皆中則以多為序多中者為勝則中少

者飲 鄉射禮釋獲者設中中者受算之器也受八
算長又五寸射中一矢釋一算上射于右下射于左
若有餘算則反委之再射釋獲如初卒射視算先數
右獲次數左獲二算為純一算為奇于是釋獲者取
賢獲告于賓若右勝則曰右賢于左左勝則曰左賢
于右以純算告若有奇者亦曰奇左右鈞則左右皆
執一算以告曰左右鈞此所謂序賓以賢也 射本
以講武田獵故于其中也則大言獲有負獲旌之人
坐而告獲舉旌以宮偃旌以商以磬聲之宮商為節
奏也 句穀通謂引滿也射禮措三挾一言插三矢
于帶間挾一矢以發發畢又挾至四矢皆挾則盡發
矣如樹如以手植侯中言巧也 呂氏云舍矢既均
泛言射者也故繼之曰序賓以賢四鍤如
樹專言勝者也故繼之曰序賓以不侮

愚按序以賢者謂以射中多少為次第也序以不侮
則設豐飲禪之禮論語所謂揖讓而升下而飲也

文王世子云公與族人燕則異姓為賓膳宰為主
公與父兄齒同宗無相為賓客之道故為之立賓也
曾孫維主酒醴維醕酌以大斗以祈黃耆黃耆台背以
引以翼壽考維祺以介景福

此射禮既畢即席終燕之詞醕厚也大斗長三尺
也孔云長三尺謂其柄也說文云勺也陳祥道
云勺非斗也勺挹于尊彝而注諸爵瓚斗挹于大器
而注諸尊彝鄭云祈告也以祈黃耆而下蓋舉酒
而祝之如此毛云台背大老也老則背有鮎文黃
耆謂髮白復黃耆者謂皮有斑黑如凍黎色此皆耄
耄之狀鄭云在前曰引
在旁曰翼祺吉也介助也

愚按始以膳宰為主人至飲無算爵時則略君臣之
分而講賓主之歡矣故曰曾孫為主
人老則志昏

氣衰故願冥冥之中若或引之謂引其志使不昏也若或翼之謂翼其氣使不衰也蓋不特享永年之壽而且有所惠迪之吉所謂助之以景福也蓋曾孫于燕飲之際思誼既篤故一時與燕者皆相與祝願之

行葦四章章八句

序以此篇為養老乞言無射禮朱註以為祭畢而

燕父兄耆老之詩

愚按首章及序射一章當是大燕同姓之詩非專為燕毛也毛分七章二章章六句五章章四句鄭分為八章章四句朱子乃分四章以正之

既醉序曰太平也醉酒飽德人有士君子之行焉

鄭云成王祭宗廟旅酬下徧羣臣至于無算爵故云醉焉乃見十倫之義在意云滿是之謂飽德按此

詩通篇皆尸嘏王之語禮運云嘏以慈告嘏者祝為尸致告于王之詞也

既醉以酒既飽以德君子萬年介爾景福

朱註賦也下同毛傳缺毛云既者盡其禮終其事醉飽謂尸醉飽也所飽者黍稷也而曰飽以德周書云黍稷非馨明德惟馨也君子謂主祭者指王也景福謂昭明可見之福此尚虛言之後章乃歷道其實一云萬年通後世言不作壽說

既醉以酒爾殽既將君子萬年介爾昭明

殽俎實也將持進之也據此章對酒言殽則前章稱飽屬黍稷可知昭為小明明為大明介爾昭明者謂神助發其知慮小事大事皆無不明也曹居貞云老將至而耄及古人所病天既錫之以壽考又大

之以昭明則
受福無窮也

昭明有融高朗令終令終有倣公尸嘉告

融明之盛也左傳明而未融其當旦乎高朗猶高
明也徐鍇以月之明為朗朱註令終善終也洪範
所謂考終命古器物銘所謂令終令命是也倣始也
嘉告以善言告之謂嘏詞也蓋欲善其終者必善其
始今固未終而既有其始矣呂氏云周之追王止
于大王則宗廟之祭尸之尊者乃公尸也按周廟
最尊者后稷公尸則后稷之尸也周禮酹六尸先儒
謂后稷之尸發爵不受旅是也通篇皆宗祝傳公
尸之意所謂
工祝致告者

其告維何籩豆靜嘉朋友攸攝攝以威儀

毛云恒豆之俎水草之和也其醢陸產之物也加豆
陸產也其醢水物也籩豆之薦水土之品也滌濯
之治曰靜新美之薦曰嘉劉公瑾云將祭之先筮
其臣之吉者使助祭謂之賓客謂之朋友所以重祭
事也攝說文云引持也猶言檢束也威儀謂進退
趨蹌之節以主祭者言黃佐云祭不在物而在誠
誠之所可見者寓于威儀之間蓋惟助祭者皆敬則
主祭者之威儀自莫不敬矣謂本于朋友之攝可也
朱註自此至終

篇皆述尸告之語

威儀孔時君子有孝子孝子不匱永錫爾類

威儀孔時承上文指王言也禮有先後節次如始
而求神終而獻尸威儀不一而悉如其節曰孔時
朱註孝子主人之嗣子也儀禮祭祀之終有嗣舉奠
文王世子篇云其登餼獻受爵則以上嗣登自堂

下而升堂上也餽食尸之餘也獻舉奠爵以獻尸也
受爵受尸所賜之爵上嗣適子之長子也 匱竭也
當旅酬告利成之後而其誠不少衰竭于祝祭迎
尸之始故曰不匱 一說孝子之後必有孝子繼之
蓋天之錫君以類相從必然之理也後漢楊氏事
姑孝姑曰我老無以報婦願爾生孝子即此意也
愚按類謂子孫類其父祖皇矣篇稱
王季曰克類是也今稱不肖曰不類

其類維何室家之壺君子萬年永錫祚胤

鄭云壺之言捆也爾雅云宮中巷 祚福也胤嗣也
即上章所云孝子也言君子固已享萬年之壽考而
其胤子有不匱之孝天又將長子之以福也 國語
晉叔向稱單靖公引此詩而釋之曰類也者不忝前
哲之謂也壺也者廣裕人民之謂也萬年也者
令聞不忘之謂也祚胤也者子孫蕃育之謂也

愚按室家之壺只就君子之室家言凡人家盛德累世未有不由閨門淑慎以助成其美者故錫爾類先錫以室家之壺註云壺言其深遠而嚴肅也此句與末章釐爾女士相應

其胤維何天被爾祿君子萬年景命有僕

爾指王言祿即天祿言天錫祚于爾之胤子還被之以爾所膺之天祿也景命謂明命也僕猶屬也愚按僕御必有所屬今言僕僕者亦相屬不絕之意謂君子既膺此景命萬年之後帝眷無已仍世世屬其子孫耳周書云惟王子子孫孫永保民者是也天被爾祿主胤子之身言景命有僕主胤子之後人言故下章有從以孫子之祝

其僕維何釐爾女士釐爾女士從以孫子

釐予也女士女而有士行者謂生淑媛使為之妃從隨也既予以女士又使生賢子孫以隨之謂傳世也一說釐即受福之釐字本作禧說文云家福也應劭云祭餘肉也此女士即指王后禮凡祭必夫婦親之前皆以嘏予王此特以釐予王后王后無飲福受胙之禮特嘏詞及之耳前三章既皆言孝子矣故此釐王后不言子而但祝其子之生孫孫之後又有子則無窮之詞也

愚按周家王業之興多由聖女作配皇矣篇云天立厥配蓋自太姜以下皆天立之也故尸以釐爾女士為嘏詞

既醉八章章四句

朱註謂父兄所以答行葦之詩然詩中明言公尸嘉告謂之父

兄謝燕可乎何氏以為武王祀廟受釐之詩竹書載武王滅商之次年薦殷于太廟遂大封諸侯是

時成王已九歲自是之後諸弟以次受封計成王必早定膚嗣之位則餒獻受爵固已能之矣若以

為成王之詩成王年十三踐天子位
康王猶未生固無有膚子可從祭也
愚按此論亦核然成王祭祀安
見其必在初年未生子時耶

鳧鷖 序曰守成也太平之君子能持盈守成神祇

祖考安樂之也

朱註此祭之明日繹而賓尸之樂
孔云燕尸之禮大夫謂之賓尸即用

其祭之日天子諸侯則謂之繹以祭之明日春秋宣
公八年辛巳有事于太廟壬午猶繹是謂在明日也
爾雅云繹又祭也周曰繹商曰彤夏曰復昨周
禮繹祭于祊祊在廟門之西陳祥道云祊其位也繹
其祭也賓
尸其事也

鳧鷖在涇公尸來燕來寧爾酒既清爾殽既馨公尸燕

飲福祿來成

朱註賦也下同毛傳缺 鳧水鳥如鴨鷖鷖也鳧善沒鷖善浮 嚴氏云渭水東流先會豐而後會涇

水自南而入渭涇水自西北而入渭文王居豐在豐水之西則越豐而後至涇武王居鎬在豐水之東則去涇近矣西京賦云飲涇吐鎬據渭踞涇見涇水近鎬也 孔云言公尸來燕則是祭後燕尸非祭時也

寧安也為尸之時未免有象神之勞而拘束不安今則登筵依几而安矣 朱註爾自歌工而指主人也馨香之遠聞也 來者若福祿隨公尸而來也成就也尊尸所以尊神尸安則神悅公尸燕飲故祖考以福祿來成之蓋至此而祭事始備 昔所錫之福祿自今日而成就也

愚按詩人起興必據所見景物則後章沙渚漲壘皆即涇水分別言之耳言鳬鷺在者狀其容與自得以祝公尸之便安無昨日為尸之拘束也福祿來成言公尸受王賓禮所以成就王福祿也

鳬鷺在沙公尸來燕來宜爾酒既多爾殽既嘉公尸燕飲福祿來為

毛云沙水旁也 孔云水少則沙見故字從水少耳 宜順適之意 鄭云心自以為宜不以己寔臣自

嫌也為 猶助也

愚按來為猶云公尸之燕飲為王造福也

鳬鷺在渚公尸來燕來處爾酒既滑爾殽伊脯公尸燕

飲福祿來下

處止也謂尸即賓位也 澤酒之沛者也 周禮腊人以掌乾肉註云薄析曰脯 來下輔廣云自上而

下易詞也

鳧鷖在梁公尸來燕來宗既燕于宗福祿攸降公尸燕

飲福祿來宗

梁水會也 孔云梁音如叢則叢是聚義且字從水 衆知是水聚之處 鄭樵云宗廟也按禮釋祭于廟 門之西享尸在堂故云然 朱註來宗之宗尊也于 宗之宗廟也 既燕于宗通前三章公尸而言不言 酒殺者前言已備 變文互見之也

鳧鷖在疊公尸來止熏熏旨酒欣欣燔炙芬芬公尸燕
飲無有後艱

毛云疊山絕水也

山當水路令水勢斷絕鄭云疊之言門也

朱註水流峽中兩岸如門也來止猶

言來處也熏熏依說文作𤇀𤇀謂尸醉也前章第言酒殽而已此則表尸之喜樂欣欣尸飲酒之喜容也芬芬言燔炙之氣馨香散布足以悅尸也

愚按目前之福祿雖可喜而後日之艱難亦可虞惟無有後艱而後為真福祿也宗廟之稱公尸謂自祖紺以上第祀以天子之禮而不追王服尸以先公之服則其稱公尸宜也而槩稱公者統于尊也

鳧鷖五章章六句

王制諸侯五廟尸稱公尸亦周家未為天子時之稱

愚按周制七廟后稷為太祖不遷而昭穆則序自
太王以下至成康沒而七廟之主始備及穆王以
後入廟則文武始遷于世室以成九廟之制當成
王雖設七廟適得五廟之尸也稱公尸者專主后
稷而言今槩以稱五廟
者統于太祖一尊也

假樂 序曰嘉成王也

朱註疑此即公尸之
所以答鳧鷖者也

假樂君子顯顯令德宜民宜人受祿于天保右命之自
天申之

朱註賦也下同毛傳缺 假通作嘉 輔廣云假樂
君子是作詩者美而樂之也惟其美之故樂之 顯
顯德之昭然可見者宜民宜人正其顯處 保者扶
持之義右者贊助之義命者命之為天子也 申重

也 朱善曰受祿于天自其已然者言之也 保右二句自其無窮者言之也

千祿百福子孫千億穆穆皇皇宜君宜王不愆不忘率

由舊章

此章言有令德以宜民人故能受天之祿所謂自求多福也 朱子云首二句是願其子孫之多後四句是願其子孫之賢子孫多而且賢是真君子之福已穆穆敬也皇皇大也 徐光啓云作聰明者狹小先人制度好佚豫者屏置祖宗成法繼體守文之君出此入彼故贊以不愆不忘率由舊章

愚按千祿即上文受祿于天也又加以百福所謂自天申之也子孫千億則百福中之尤大者也舊說以嫡為天子曰王庶為諸侯曰君則為王者不可稱君乎大哉堯之為君君哉舜也何以稱焉愚謂自穆皇

以下通贊成王觀末句率由
舊章其為守文之主可知

威儀抑抑德音秩秩無怨無惡率由羣匹受福無疆四

方之綱

抑抑密也秩秩清也蘇氏云無所不容故無怨無
所不矜故無惡匹類也人才品高下各有其類各
循其類而任之不以已之愛憎參預其間大以成大
小以成小武成篇所謂建官惟賢位事惟能是也
黃樵云此章上四句
即所以為綱之道也

愚按國家所以享和平之福惟在為之上者挈其大
綱以維係四方而已一苛細多事四方受其擾害烏
能受福乎無疆言
福之所被者遠也

之綱之紀燕及朋友百辟卿士媚于天子不解于位民之攸暨

白虎通云綱者張也紀者理也此承上文之綱句來言大者既張小者亦無不理于是天下無事而臣下皆賴以安樂矣燕通作宴朋友合百辟卿士言之也泰誓曰友邦冢君酒誥曰太史友內史友是也百辟謂諸侯卿士王朝之羣臣鄭云卿之有事者也媚愛也

愚按此言天子總其綱紀與世相安臣下亦順適其意而無喜事務名之心所謂媚也解字從燕字來天下無事臣子燕安便一切有廢弛之意燕而不解足見綱紀之無弊暨與暨通及也朝廷之上但不喜事不廢事非必有恩澤以下于民而和平之福及于民者遠矣

假樂四章章六句

朱子謂公尸
答鳧鷖之詩

愚按稱頌之詞不應略于前而詳于後且未來之
祝何其言之若有成效也何氏謂假樂贊武王之
德當為成王祭武王之詩禮云天子穆穆諸侯皇
皇以一身而兼歷諸侯天子者湯武而已詩稱宜
君宜為諸侯也宜王宜為天子也故知是贊武王
然篇中率由舊章受福無疆四方之綱等語似非
所以頌開勅之主也序惟一句曰嘉成王也嘉
之何樂之也通篇皆言成王能樂其臣民以共享
太平之福蓋承文武極盛之後不必更有作為故
以顯顯之令德而絕無所為干譽者但求與民
相宜而已宜民宜人自然受祿于天蒙天保佑春
顧而降之百福以至于子孫蕃衍也穆穆皇皇正
狀其有君王之度與察察為明沾沾自喜者相反
其所以穆皇者為能率循祖考之舊法以無愆忘

而不自生一事也威儀抑抑位高而能下也德音秩秩言簡而有理也此正其穆穆皇皇處無怨謂有嫌盡釋也無惡謂有過盡恕也虛心以聽任羣匹已則坐受無疆之福以為四方之綱領而已綱舉而紀振不惟君受其福臣亦共享其安故曰燕及當此時上無責備之事下無疑畏之心雖君臣猶朋友矣百辟卿士以天子之心為心上下一德可不謂媚乎然非一味養安以致廢弛也不解于位乃所以久安不惟燕及朋友而實福及庶民矣生其世者不知有樂乃真樂也非成王之世不足以當之故序

曰嘉成王也

公劉 序曰召康公戒成王也成王將涖政戒以民

事美公劉之厚于民而獻是詩也

史記后稷封于郃后稷卒子不窋立

不窋末年夏后政衰去稷不務不窋以失其官而冉戎狄之間不窋卒子鞠立鞠卒子公劉立則公劉后稷之曾

孫也

愚按不窋失官在夏太康時也太康之後有羿浞之亂幾將百年則不窋以來竄于戎狄久矣意必羿浞滅而夏復興公劉始返內地竹書載夏少康三年復田稷沈約註謂后稷之後不窋失官至是而復則公劉之興當在此時邠在今武功縣邠在今邠州皆屬西安府相去特百餘里自不窋竄于戎狄之間不居邠矣今慶陽府有不窋城是其居也公劉遷邠蓋自不窋城遷非自邠遷也毛鄭皆誤

篤公劉匪居匪康迺場迺疆迺積迺倉迺裹餼糧于橐

于囊思輯用光弓矢斯張干戈戚揚爰方啓行

朱註賦也下同毛傳缺篤厚也武成篇云公劉克篤前烈即積功累仁之義季氏云公者侯國尊君之通稱劉名亦如古公之稱亶父也按周人以諱事神此時尚未有諱法匪居匪康言雖久在戎狄之間終不以為可居之地而遂安之也場疆以邊境言左傳云疆場之邑一彼一此時公劉將有遷都之舉故先于疆場致其器備所以防外侮而固人心也積露積也露積之禾曰庾史記稱公劉雖在戎狄之間復修后稷之業務耕種行地宜故倉庾皆實如此輯和也孟子作戢弭兵之義啓行鄭謂開道而行蓋武備既飭自可堂堂正正安驅以行矣孟子謂居者有積倉行者有裹糧也然後可以爰方啓行則是舊國猶有居者新都未定不能一時盡去至末章止基乃理爰衆爰有乃漸次相續以至耳故知首章迺場迺疆亦所以為居者設衛使敵人無敢乘虛而入也

愚按光耀也謂耀兵也思輯用光蓋公劉遷都本思
輯狄人干戈之患乃故耀兵示武使狄知有備而不
敢侵軼我戎行也弓矢二
句正言其耀兵之實事

篤公劉于胥斯原既庶既繁既順迺宣而無永歎陟則
在嚳復降在原何以舟之維玉及瑤鞞琫容刀

原即下章之溥原幽地也胥相也公羊以胥盟為
相盟謂率從遷之衆相與同至斯原以審視矣毛
氏謂公劉遷邠諸侯之從者十有八國則既庶指本
國之衆既繁指他國相從之衆順說文云理也地
與人相宜之謂宣徧也言居之徧也無永歎得其所
不思舊也毛云嚳小山別于大山也朱註山頂也
陟升降下也由原而升嚳復下在原言反復相之
重居民也舟帶也按今稱周旋作舟旋取其環轉

之義與帶義通

孔云鞞者刀鞘之名琫者刀之上

飾琫字從玉非玉名乃刀鞘受飾之處名之為琫耳

容飾也刀無受飾之處當是指其柄而言飾之以
為刀之容即所謂琕也玉與琕或以飾鞘或以飾柄

楊森曰容刀如言容臭謂鞞琫
之中容此刀耳容臭今香囊是也

愚按公劉與衆相度此原私念既庶既繁恐土地難
容人情不適迨衆皆以為樂居則情既順矣迺始宣
布定都之意于衆蓋惟順衆之情斯無後日之悔歎
耳然猶不可不慎故一陟一降必相視之極周如下
文所云也由其陟降而覩其佩服因而
誦之則重民居而忘君勞之意在言外矣

篤公劉逝彼百泉瞻彼溥原迺陟南岡乃覲于京京師
之野于時處處于時廬旅于時言言于時語語

上章相地以居民此則相立都邑以營宮室也
往也百泉嚴氏云泉水也堪輿家視泉水所聚為

得水張子厚云只看百泉之所往處便知地形所
在廣輿記云涇州有泉眼百餘大旱不竭即百泉

也百泉之水皆流入涇至邠州非汎指泉水為百泉
也溥大也以其地形廣平曰原狀其大曰溥故第

二章但言斯原第五章分言既溥南岡岡之在南
者面山也京高丘也時是也處處謂作宅舍以處

其所當處者指本國之人言廬寄也左傳衛戴公廬
于曹亦謂寄于曹地也旅賓旅也言作客舍以廬

其旅人指外國相從之人
言與米章止旅乃密相應

愚按言京者邠邑之後山也以下章于京斯依句知
之逝泉瞻原既定所在乃陟南岡而迴望之見後山

甚高賓主適稱觀謂觀面相對也因更于南岡眺望
川原大矣哉都邑以外所容何限真大衆所宜居足

為京師之野也董氏謂京師之稱起于此前章陟巘以望自北山而南望也此登岡以望自南岡而北望也末四句皆是指畫布置尚未經始也

薦公劉于京斯依蹌蹌濟濟俾筵俾几既登乃依乃造其曹執豕于牢酌之用匏食之飲之君之宗之

朱註此章言宮室既成而落之既以飲食勞其羣臣而又為之君為之宗焉毛云執豕于牢新國則殺禮也酌之用匏儉以質也

愚按乃造其曹以下始言羣臣飲酒樂成之事前四句則宗廟始成之事也君子營宮室宗廟為先廟成則卜日遷主而先有事于廟中也京即上章迺覲之京依此高丘以為邑之主山也宮室依此則宗廟

亦必依此矣 登登進于坐也依神所依也祭統篇云鋪筵設同几為依神也按考妣共几謂之同几此主未入廟而預飭羣臣執事廟中或使設筵或使陳几皆踰濟趨事以俟迎主之至蓋主既登坐神即依于筵几故不敢不謹也曹百官治事處也造始也言宮廟既畢官曹初始營建之事將已次第告成故與羣臣飲酒以落之也 君宗即燕飲中事公劉自以一身為羣臣之君宗也對異姓之臣稱君對同姓之臣稱宗合上四之字俱指羣臣言

篤公劉既溥既長既景迺岡相其陰陽觀其流泉其軍三單度其隰原徹田為糧度其夕陽幽居允荒

此章言民居既定營建既畢于是授民之田則壤制賦為立國之本務也 瞻彼溥原其地則既溥矣逝

彼百泉其流則既長矣既考之日景以正其方位復升彼高岡以望其形勢相陰陽之向背以識寒燠使種植各適土之宜觀流泉之所經以定溝洫使灌溉各盡水之利也三單者其軍從公劉遷邠者也周禮凡起徒役無過家一人以其餘為義義者副丁也公劉遷邠當具三軍以行而謂之三單單之為言隻也計必留義丁守其故土非一時空國俱行也下濕曰隰高平曰原按禹貢雍州有原隰底績之文徹田即井田之法曰徹者通力而耕之謂毛云山西曰夕陽夕始得陽其田必寒不甚宜稼惟以歸者日衆非溥原所能容故又度此以廣之

愚按公劉為夏諸侯夏后氏五十而貢而自以其意變而通之行徹法于國中子孫仍之遂為定制田宅皆宜得陽若不能向陽但得夕陽亦可人衆難容故度此以居之荒治也周頌天作篇太王荒之治荒

曰荒猶治
亂曰亂也

篤公劉于豳斯館涉渭為亂取厲取鍛止基迺理爰衆
爰有夾其皇澗遡其過澗止旅迺密芮鞠之即

朱註此章總叙其始終館客舍也言公劉初至邠
地無室可居其棲止之地草草猶客舍而已

鍛鐵也史記言自漆沮度渭取材用即此事也

止居也止基為子孫之業以授國人止旅為寄居之

廬所以安置客氏也故止基之民為疆理其田野而

止旅者則聽其稠密聚居而已衆人多也有財足

也皇過二澗名考工記云凡天下之地勢兩山之

間必有川焉大川之上必有涂焉皇大也兩旁必平

廣可居故民居相嚮夾之遡本作游鄉也孔云

遡其過澗謂開門向澗也民居以南嚮為正此蓋皇

澗縱故于兩旁夾之過澗橫故在北向之因夾澗居不能容復濟澗以居之于是止旅者乃益密也毛云芮水厓也鞠究也鄭云芮之言內也水之內曰渙水之外曰鞠朱註芮水名周禮職方作汭何景明云芮水出邠州西北東入涇汭水在隴州城西北源出弦蒲蘩入渭不入涇公劉芮鞠之即指邠也愚按承上句幽居允荒而追叙其初至邠時身無寧宇地無材物公劉經營久之而都邑以成國用庶富民居益密而邠地乃日以廣也厲鍛皆營建之時百工所需而邠地不產乃遠涉渭水絕流而南以取之鞠究皆訓窮當是水窮之處即就也謂來止之旅益衆二澗不足以容又就芮水之盡處而居之邠迎也夾澗居者既滿乃迎水而居又不能容至于水窮處就而居焉

公劉六章章十句

王氏云周之有公劉言乎其時則甚微言乎其時則甚勤稱時

之甚微以戒其盈稱事之甚勤以懲其逸蓋召公之志也

泂酌序曰召康公戒成王也言皇天親有德饗有

道也

此康公勉成王以豈弟教化民人也傳曰樂以強教之弟以悅安之此豈弟之訓即教化之事

也人雖至頑無不可施教化者左傳云漢汙行潦之水可薦于鬼神可蓋于王公故詩人以行潦為興

泂酌彼行潦挹彼注兹可以饒饒豈弟君子民之父母

朱註興也下同毛傳缺

泂遠也孔云行道也

者雨水也泂酌自遠而酌取也挹彼彼大器也注

茲茲小器也以潦水泥濁置之大器以澄之挹小

器而用之所以轉經二器也饒說文云滌飯也朱

註蒸米一熟而可以水沃之乃再蒸也饒酒食也言行潦之水澄之既久可濯沃饒米以為酒食也言物無

不可用者是以君子之于人未嘗有所棄猶父母之
無棄子也季氏云蓋欲人君舍短取長不錄人過
也如此則中養不中才養
不才而可以為民父母矣

澗酌彼行潦挹彼注茲可以濯壘豈弟君子民之攸歸

濯滌也壘祭器孔云四時之祭皆有壘可以濯壘言其可以貴用之也

澗酌彼行潦挹彼注茲可以濯漑豈弟君子民之攸暨

毛云漑清也季氏云可以濯漑則無物不可濯
非特一壘而已以喻人才養成無所用而不可也

愚按暨通作暨暨有徧及之義言無民不歸也
陳篇有曰爾無忽疾于頑無求備于一夫必有忍其
乃有濟有容德乃大簡厥修亦簡其或不修
進厥良以率其或不良蓋得召公之訓深矣

洞酌三章章五句

朱註以為召公戒成王之詩或謂敦成王以德化庶殷也

愚按是詩當是召公營維頑民既遷之後勸王舍其舊惡而與之維新也召誥曰厥既命殷庶庶殷丕作言殷民受命皆趨事赴功是知民無有終于頑者其末以殄戮為戒又稱為王之讐民則當日雖未殄滅必猶以為讐而棄之化外矣召公勸王豈弟存心為之父母父母寧有棄子則斯民寧有化外者乎猶召誥之遺義也

卷阿 序曰召康公戒成王也言求賢用吉士也

朱註

疑召公從成王遊謫于卷阿之上因王之謫而作此以為戒 竹書成王三十三年遊于卷阿召康公從

有卷者阿飄風自南豈弟君子來游來歌以矢其音

毛傳興也朱註賦也卷曲也阿說文云曲阜也飄風爾雅云迴風也孔云阿之曲者風無去路此

興意但諷王受言未及求賢之事蓋召公將有所進戒于王慮其扞格不入故即事以起興君子指成

王也輔廣云召公從成王來游于卷阿之上有飄風自南而來成王樂而歌之故公因陳此詩以為戒

陳也

伴魚爾游矣優游爾休矣豈弟君子俾爾彌爾性似先

公酋矣

伴魚優游閑暇之意鄭云自縱弛之意言任賢故逸也彌終也說文無彌字本作鹽弛弓也似嗣

也酋久也按酋本繹酒之名周禮註云酋者久遠之稱酒以熟久者為善因名酒官為大酋謂似先公酋

者言先公于君人之道久而熟諳非徒以壽考言也
俾使也凡言俾爾彌爾性者微詞也詞雖若祝意
實主

諷

愚按老子云天之道其猶張弓乎一張一弛之謂也
束之急則太苦君子之教蓋有甘苦疾徐之喻焉聽
王之伴與而游優游而休皆所以釋其束縛樂其天
機彌之義也然惟恐其過佚也即繼之曰似先公首
矣先公以勤政起家者也惟能先
公之無逸乃可以久有此佚也

爾土宇販章亦孔之厚矣豈弟君子俾爾彌爾性百神
爾主矣

販大章明也按販屬上謂混一無外章屬宇謂疆界
闔然孔厚有鞏固不可動搖之意祭法云有天下

者祭百神主
為主也

愚按此警王也誠念及為百神之主
將兢業敏寔之不暇而可久求逸乎

爾受命長矣弗祿爾康矣豈弟君子俾爾彌爾性純嘏
爾常矣

受命謂受天命為天子也長者謂承受累世之命
其來長矣鄭云第福也謂王無締造之勞而福祿
之盛安而享之純通作全謂全福也爾常謂常享
此純嘏之福也言外有不可為常之意二章言嗣
先公三章言主百神此則言受天命王躬所係何等
思及此雖欲彌爾性以自暇自逸亦有所不能矣
輔廣云三章皆極言壽考福祿以廣王心然後五章
以下告以致此之由則其言之入之易而感之

深

有馮有翼有孝有德以引以翼豈弟君子四方為則

自此章以下皆言用賢之事惟能用賢然後可以優游而享盛治也朱註馮謂可為依者翼謂可為輔者漢三輔左為馮翊義或本此謝氏云求賢不取非常之才止曰有孝有德何也孝于親者必忠于君取其孝正求其忠也唐虞以上取人以德無才德之分如皋陶九德皆才也舜舉八元八愷之才皆德也有德則才在其中也

愚按皆祝願贊歎之詞使王聞之而知得賢之益也孝者百行之本故為德之首引者道其前即上所謂馮也翼者輔其旁即上所謂翼也以引以翼申言之謂以有孝有德者為馮翼也

顒顒印印如圭如璋令聞令望豈弟君子四方為綱

顒顒莊敬貌易曰有孚顒若是也印印高朗貌皆以其見于外者言圭璋比其純潔也以其存諸內者言遠者傳其聲譽近者祀其丰采王惟端拱于朝而四方之人心咸係屬焉非為之綱領乎

鳳凰于飛翾翾其羽亦集爰止藹藹王多吉士維君子

使媚于天子

言君樂于得賢賢亦樂于得君承上章君能以賢自輔其德則賢者爭趨于朝以待王之任使如此其多也下文維字承多字來隨所用而皆能盡職也竹書紀成王十八年鳳凰見周書君奭篇曰耆造德不降我則鳴鳥不聞者指召公鳴鳥指鳳也則前此召公未求去之時鳳固嘗至矣翾翾羽聲也翾翾其

羽指衆鳥也。鳳飛則羣鳥從之，以萬數。亦指衆鳥也。對鳳凰故言亦集爰于也。黃佐云：周書成王命君陳曰：爾有嘉謨嘉猷，則入告爾后于內，爾乃順之于外，曰：斯謀斯猷，惟我后之德。此欲其媚于天子也。愚按：止謂鳳所止之地，而羣鳥隨之，亦集于其處。鳳皇以比玉，翽翽之羽，即况鵲鵲之多士也。王尊德好賢而賢者趨附，猶衆鳥之趨附于鳳，為羽之王也。周公言立政，惟用吉士而復申之曰：繼自今，後王立政，其惟克用常人。則吉士即常人，也。身無擇行，則口無擇言，此吉士義疏也。

鳳凰于飛，翽翽其羽，亦傳于天。藹藹王多吉人，維君子命媚于庶人。

鄭云：傳猶戾也。命猶使也。媚于庶人，言能得民之歡心，媚庶人，所以媚天子也。

愚按鳳飛上負青天衆鳥附之亦傳于天所謂攀龍附鳳以致身青雲之上也 自其用于王朝曰吉士就其人言則但曰吉人

鳳凰鳴矣于彼高岡梧桐生矣于彼朝陽萋萋薿薿雛雛

雛雛

高岡高山之脊也 邵博云梧桐百鳥不敢栖止遜鳳凰也 朱萋說文云草盛也此以狀其枝葉之茂黃帝使伶倫制十二簫聽鳳鳴其雄鳴為六雌鳴亦六比黃鍾之宮而皆可以相生是為律本雛雛雛雛也 其和也

愚按上二章以衆羽之隨鳳凰喻多士之從王此一章專稱鳳凰不及衆羽鳴于高岡知鳳凰之至也梧

桐生于朝陽待鳳凰之栖也莽莽萋萋雖啗啗因得所栖而鳴益和也以喻天子當陽聲名文物之盛言鳳凰出則衆羽自無不相從明天子在上則賢者自無不樂仕在王之用之耳玩二矣字語意自見

君子之車既庶且多君子之馬既閑且馳矢詩不多維

以遂歌

鄭云庶衆也說文云多重也猶言不止于衆而已閑通作嫻習也馳大驅也言不徒閑習法度且可以疾驅直騁無不如意也

愚按車馬舊謂以待徵聘錫予之用愚謂即指從游之車也蓋因所見車馬以起興耳言諸臣從王游者車馬非不甚盛不知其人皆有孝有德乎抑吉人吉士乎此意在兩既字言外欲王自審之斯詩之妙于

舍蓄善為說詞也 遂猶成也故成事謂之遂事王
之來游來歌蓋樂而後歌也而我之陳詩娓娓不已
詞非多也惟願多得賢人共
致太平以遂王作歌之樂耳

卷阿十章章五句四章章六句

嚴氏以為召公欲王留周

公而作謂周公有明農之請召公慮周公歸政之
後成王任用非人故作卷阿之詩以悟王所稱豈
弟君子指周公也然考竹書成王十八年鳳凰見
二十一年周文公薨于豐至三十三年方有卷阿
之游此詩之作蓋在周公薨後也 毛謂
自此以上十八篇為文武成三王之詩

民勞序曰刺厲王也

朱註同列相戒之詞
未必專為刺王而發

愚按厲王之世使衛巫監謗道路以目
穆公故亂其辭言在同列實刺王也

民亦勞止汙可小康惠此中國以綏四方無縱詭隨以
謹無良式遏寇虐憚不畏明柔遠能邇以定我王

朱註賦也下同毛傳缺汙幾也凌濛初云亦勞
亦字視其字更痛切大東哀我憚人亦可息也亦然

康安也曰可者見惟此時尚可他日將不及也曰
小者幾幾不敢過望之詞四方對中國言乃四夷

也內地堅固則四夷皆帖服而不敢動是乃所以撫
綏之也朱註詭隨不顧是非而妄隨人也萬時

華云小人禍國只是一味詭隨不徒曰隨而曰詭隨
隨者不說不過藏獲下賤奔走承奉之態詭者不隨

雖敦懿操莽亦無進身之路合此二字曲盡小人情
態矣無縱者明以辨之斷以絕之決不姑息也謹

者斂束之義與縱字對蘇氏云人未有無故而妄
從人者惟無良之人將悅其君而竊其權則為之故

無縱詭隨則無良之人肅而寇虐無畏之人止然後
柔遠能邇而王室定矣後漢陳忠疏云臣聞輕者
重之端小者大之源故隄潰蟻穴氣洩鍼芒是以明
者慎微智者識幾詩云無縱詭隨以謹無良蓋所以
崇本絕末鉤深之慮據此謂詭隨不禁必至無良
懣爾雅訓曾懣不畏明者言此寇虐之人肆然公行
無所忌憚曾不畏人之共見之也李氏云不予詭
隨之時而禁止之至于為寇止之晚矣定我王者
謂如此而後天位永固蓋危之也書言柔遠能
邇必難壬人詩言柔遠能邇在謹無良其旨一矣
愚按此輩存心行事無非寇虐之
為不惟不畏暗室亦且不畏大庭

民亦勞止汔可小休惠此中國以為民逌無縱詭隨以
謹懣歆式遏寇虐無俾民憂無棄爾勞以為王休

毛云連合也猶好連之連朱註聚也民勞則散故思所以聚之惓惓猶謹謹謂好爭者也昏與昏同惓說文云亂也說隨之人心既不明惟欲變亂成法以逞其寇虐之謀書所謂辨言亂政是也愚按爾勞二字虛辭以獎誘之也謂爾若誤信此惓惓者紛更喜事固未嘗不勞于為國豈知有害無利徒虛擲此勞耳但因其固然行所無事無勞于所不必勞使吾王得享安靜之福也

民亦勞止汔可小息惠此京師以綏四國無縱詭隨以謹罔極式遏寇虐無俾作慝敬慎威儀以近有德

息止也中國內獨提京師而言京師中國之根本也四國指中夏之侯國言慝通作匿陰奸也漢書月見東方謂之厭一謂之側慝匿慝通用作慝謂有叵測之謀敬慎二句勸其親近有德則邪慝自遠

然威儀不敬有德者安肯與之近乎意其人必少年驕貴以訛訛聲音顏色拒人于千里之外者也

民亦勞止汙可小愒惠此中國俾民憂泄無縱詭隨以謹醜厲式遏寇虐無俾正敗戎雖小子而式弘大

愒猶息也亦作憩鄭云泄猶出也發也正敗謂惟說隨之言是從則悖正者勝而守正者敗矣戎

女也式用也

愚按泄取漏洩之義漏則日減欲使民憂稍減耳不敢冀全去也此句與次章無俾民憂相照言前此所為既不能使民無憂及茲改圖尚可使民憂少減也醜衆也厲惡也左傳曰其父為厲厲惡鬼也有惡疾者亦謂之厲醜厲言其黨惡也其人當是少不更事狹小先王之制度而更求規模之弘遠故詭隨

之輩因導以
變亂成法也

民亦勞止汙可小安惠此中國國無有殘無縱詭隨以
謹繾綣式遏寇虐無俾正反王欲玉女是用大諫

安亦止息之義與前四字義無深淺取韻叶句耳
毛云賊義為殘朱註繾綣小人之固結其君者也
孔云牢固相著之義王氏云正敗者敗而已未盡
反而為不正若正反則無正也曹居貞云以是為
非以惡為善一切相反則亡無日矣朱註玉寶愛
之意王欲以女為玉而寶愛之故我用王之意大諫
正于女蓋託為王意以相戒也凌濛初云文
本相戒而忽指王欲玉女一句便是刺王本旨
愚按國語厲王悅榮夷公其即董賢鄧通之
流乎玩王欲玉女意自見蓋愛之如玉也

民勞五章章十句

此詩雖戒同列實刺同列以此同列乃王所信任為執政者篇

中所稱詭隨寇虐之人皆其黨也

愚嘗考厲王為成王七世孫七世以來豈無詩一篇可採而即以厲繼成何也成康歿而頌聲寢謂禮明樂備後王遵用而已不復作也至于雅音亦不傳者歷代繼體之主享祖宗之餘福無德可稱雖以昭穆荒亡而先王之紀綱猶存人心未去也亦無大惡可刺至于厲王始盡廢文武之法度盡失文武之民心矣以宣王厲精圖治有志中興而晚節遂衰不能復振再傳幽王善政微而流弊出國遂以亡則厲王遺毒深也夫以周家數百年忠厚培植之民一旦圍王之宮流王于彘古今異變出自周民非失民之甚何以有此周之亡于厲王久矣故自卷阿以上十八篇為文武成三王之正

大雅而自此以下十二篇為厲宣幽之變大雅盛世之音甫終亡國之音斯起吁可畏也

板序曰凡伯刺厲王也

鄭云凡伯周同姓周公之弟也入為王卿士周公之

左傳謂凡蔣邢茅胙祭周公之弟也知為王卿士者春秋隱七年天王使凡伯來聘世在王朝蓋畿內之國胡一桂云厲王無道召公凡伯以親賢之故宜極言而力救之顧乃不直致其諫而姑責同僚以使之聞之者豈非以監謗之故不欲嬰其鋒以陷于罪而甚吾君之惡也耶

上帝板板下民卒瘁出話不然為猶不遠靡聖管管不實于亶猶之未遠是用大諫

朱註賦也下同毛傳缺板板反也板本作版說文云判也版版言如版之片片離散也何氏云言天

心判離之甚無眷顧之意 痺勞病也卒痺謂天下
之民盡病 出話不然鄭謂出善言而不行也 管
管小知小見也 靡聖謂自用其小知小見而以為靡
聖于此者 亶識也 郝氏云信也不實于亶假為信
也

愚按出話不然教令不信也為猶不遠朝夕改也
下文不實于亶即指此 亶訓誠經每作虛字用猶
云視其猶聽其話如此又自以為聖誠哉無一實也
夫出話不然惟以愚民則其為謀不遠亦朝夕計耳
如是而可以回天意乎是用大諫雖曰諫同列實所
以諫王也自次章以下反復以詳言之皆所謂大諫
也

天方難無然憲憲天方蹶無然泄泄辭之輯矣民

之洽矣辭之懌矣民之莫矣

難艱也反易之稱蹶猶顛躓也毛云憲憲猶欣欣也泄泄猶沓沓也蓋弛緩之意樂記武坐致右憲註憲讀如軒車前為軒憲憲通作軒軒狀其足高氣揚之象泄取水滲漏之意狀其神情四散不歸併一處以謀國事也鄭云辭謂政教也輯說文云車和輯也能集衆心之所欲言語以為言故曰輯洽左傳通作協毛云合也懌說文訓說謂其詞悅乎衆心也莫通作嘆無聲之義爾雅訓定取其靜以定也愚按上四句承為猶不遠而言憲憲泄泄偷安目前其無深謀遠慮可知下四句承出話不然而言謂危亂之際惟命令足以收拾人心而所以能收拾者則在出于至誠陸贄云將欲紓多難而收羣心惟在赦令誠言而已動人以言所感已淺言又不切人誰肯懷又云事或未至則如勿言一虧其誠終莫之信出

話不然此亂之終不可挽
回也四句正言詞之重

我雖異事及爾同僚我即爾謀聽我囂囂我言維服勿
以為笑先民有言詢于芻蕘

朱註異事不同職也同僚同為王臣也左傳荀林

父謂先蔑曰同官為寮吾嘗同寮敢不盡心乎為賦

板之三章是寮為同官也毛云囂囂猶警警也

朱註即就也囂囂自得不肯受言之貌服事也先

民有言孔子所謂成語也何氏云古人有言謂凡

謀國必須謀及下賤者始有以得民之情今我即爾

謀者皆廣詢此輩而得者其言民

情最真而女顧以為笑而不聽乎

愚按服習也車前兩馬曰服取其閑習之義維服者

自謂習于事故可以比老馬之知也笑謂輕侮其言

猶云用以資笑柄也

天之方虐無然謔謔老夫灌灌小子蹻蹻匪我言耄爾用憂謔多將煇煇不可救藥

天方降虐將有覆亡之禍不止于方難方蹶而已謔
灌以國事為戲謔皆憲憲泄泄所必至之情也
灌猶欸欸也灌既也言之不已欲其沁入于心與書
言啓乃心沃朕心沃字同義蹻說文云舉足高也
老夫詩人自稱書曰黃髮之言則無所慙詩曰壽
胥與試美用老人之言也毛云八十曰耄註云老
而昏也憂謔謂當可憂之時而反以之為謔孟子
所謂安其危而利其菑也多猶久也將者且然之
辭煇煇盛也蘇氏云夫憂未至而救之猶可
為也苟俟其益多則如火之盛不可復救矣

天之方儕無為夸毗威儀卒迷善人載尸民之方殿屎則莫我敢葵喪亂蔑資曾莫惠我師

毛云儕怒也朱註夸大也毗附也小人之于人不可以大言夸之則以諛言毗之也孔云祭時之尸以為神象故終祭而不言賢人君子則如尸不言語畏政故也殿屎呻吟也魯詩世學作塾伊蘇子由亦作吟伊屎說文作呶云呻也此言刑法之峻不敢出愁歎之聲但呻而已殆道路以目時也葵揆也測度之義民情如此甚不可測而云莫我敢測危之至也蔑滅也

愚按毗依倚也小人所以妄自夸大必有所依倚而然以乞哀為驕人之具也毗則過諂夸則過驕威儀盡喪而終不自覺所謂卒迷也蔑無也資猶云藉也與資生之資同義言喪亂且至何所資以獲免乎

惠順也師衆也夫喪亂之時所資者衆心也而今曾無一事有以順衆之心其不足資也明矣

天之牖民如堦如筵如璋如圭如取如攜攜無曰益牖民孔易民之多辟無自立辟

毛云牖道也如堦如筵言相和也如璋如圭言相合也如取如攜言必從也易變易也言民為善為惡惟上之人牖之而民隨以變易然而從善難而趨惡易是民之本多辟也辟邪也民既多邪辟矣而可自立邪辟以導之乎樂記子夏云為人若者謹其所好惡而已矣君好之則臣為之上行之則民從之詩云誘民孔易此之謂也

愚按牖猶啓也天之牖民言民有心天必啓之筵以和堦璋以合圭攜以應取天人相與之間甚不爽也

攜無曰益言非因取而有所益亦攜所本有耳四句
總見牖之孔易其思善也天固啓之其為惡亦啓之
也今民之多辟思亂久矣天殆將啓之矣王豈可更
自立辟以促之乎多辟無有指名立辟則衆射之的
也

价人維藩大師維垣大邦維屏大宗維翰懷德維寧宗
子維城無俾城壞無獨斯畏

朱註价大也大德之人也善人在位威望足以懾
服海內如汲黯在朝淮南為之寢謀是也故曰維藩
大師大衆也后非衆罔與守邦故曰維垣鄭云
大邦盛國諸侯也孔云謂方伯連帥足以禦侮而
敵愾者故曰維屏屏所以為蔽也大宗梓材所謂
大家孟子所謂巨室尹吉之類也勲闕之舊足以收

拾衆心擁衛王室故曰維翰翰幹也費誓曰峙乃楨幹幹者牆所恃以立也懷猶中庸懷諸侯也宗子

同姓也宗族聯屬所以內固根本城視藩垣與屏則為內矣故曰維城

愚按介人謂善人國之望也大師大衆也大邦異姓強諸侯也大宗同姓強諸侯也此皆宜德以懷之而

藩垣屏翰始固王國恃之以寧至于宗子則王同姓之臣與王共休戚者王所倚以為城者此也城為國

之根本城壞雖有藩垣屏翰不足恃矣壞者謂其心離散也時勢可畏唯是宗子與王同之宗子離心則

王獨斯畏矣誰復為王畏哉凡伯之意蓋望王之信任召穆公也厥後王流彘而宣王厓召公家共和行

政十四年卒致中興此詩念之早矣

敬天之怒無敢戲豫敬天之渝無敢馳驅昊天曰明及

爾出王昊天曰旦及爾游衍

天方難不已至于方蹶方蹶不已至于方虐此天怒之甚也尚可以戲豫處之乎爾用憂謔所謂戲豫也

渝變也易曰官有渝春秋言渝盟是也首句言上帝板板謂天意判離有改易天命之意所謂渝也

鄭云馳驅自恣之狀非必盤遊也昊天曰明四句覆說所以無敢之意朱註王往通言出而有所往

也衍寬縱之意言其鑒視在上凡爾出往游衍天無不俱或善或惡焉能偶逃

愚按明與晦對旦與暮對人見天有晦時不知其無時不明也人見天有暮時不知其本嘗旦也

板八章章八句

此篇雖切責僚友用事之人而義歸于刺王蔣悌生云詳味此詩蓋

朝廷始昏亂之時其時文武周公之道典章法度非不具在也在朝非無老成人也而王棄舊章而

不顧踈老成而不用所任以政者乃少年不更事之人是以民勞于下政亂于上惟時若召穆公凡伯之徒皆世臣與國同休戚者義不可去情迫于中故一語責之旋以一語勸之不厭繁複過于切直所謂亂世之音怨以怒其政乖此類是也

生民之什十篇六十一章四百三十三句



田間詩學卷九